

四庫全書

子部

欽定四庫全書

唐開元占經卷七十八

唐 瞿曇悉達 撰

客星占二

犯東方七宿

客星犯角一

甘氏曰客星干犯兩角間白者軍起不戰邦有大喪其  
色赤戰所指必有破軍侵城期七十日或三年 石氏

曰他星入左角兵吏有來擊者色赤皆以兵擊黃皆以土訟白皆以義黑皆以死青皆以憂 巫咸曰客星入左角獄多死囚 荊州占曰黃星若白星入左角裏有受咎者又曰獄官吉入右角尉有喜 荊州占曰赤星入左角兵吏有攻者也黃訟土事白以好訟青以憂訟黑以死訟 石氏曰白星入右角兵吏有易者青以憂去黃以好去白以義去黑以死去 海中占曰赤星入右角兵吏有置兵軍受命者 夏氏曰客星入角五穀

傷蝗虫生 郝萌曰黑星入右角兵吏有以喪置兵者  
色黃若白以好置兵青以憂置兵 又曰客星入角將  
相后族家有收斂者 石氏曰赤星從兩角間過不入  
亢中有兵色白有過客色黑有過喪 郝萌曰有星出  
亢入兩角間君有使諸侯有口令色赤言兵黃言土白  
言義青言憂黑言凶 石氏曰他星出左角獄吏易者  
色赤以兵色黃以好去色白以義去色黑以死色青為  
憂 郝萌曰有星出左角與星相迫大如缶赤如血其



名為禍星三日三夜不入命曰動兵三年而國亡以其  
日占之 又曰黃白星出左角獄嗇夫受梃色青有大  
憂色黑有死者 石氏曰有星出右角有驚將色赤將  
不勝青憂黃將去白不戰黑將死 海中占曰大赤星  
出右角國門有出兵左角國入兵 郝萌曰黃星出右  
角國有驚一云兵驚不戰受地星白者不戰而進色黑青者  
戰不勝凶 荊州占曰赤星出右角郝萌曰出右角入左角也將有  
攻吏者國有驚其星不搖散不統絕戰勝 巫咸曰客

星出角臣謀其主賊從外來天下大亂將相將有誅者  
海中占曰赤星出角亢間國邑有圍者 郝萌曰大  
赤星若白星出角亢國有大盜黃星出北止天門中天  
下兵在外者罷客星出角兵大起期不出二年 荊州  
占曰赤星出兩角間國有恐人民驚又曰經兩角間軍  
道塞 二十八宿山經注曰有客星如半席出於角亢  
則其年韓土有死兵公使大臣謀死多災殃 郝萌曰  
赤星經兩角間國門閉可以觀邑門之閉開也星白軍

在外道塞 赤星從兩角間過不入亢中有過兵 黃

白星數就右角若左角兵使有受地者 赤星大如鋒

矢赤如雞血數就右角若左角兵使遇賊 黃帝占曰

大黃星之兩角間有貴客來見君廟將有事 海中占

曰黃星起右角之左角尉理受執 黃帝曰赤星止兩

角間國門閉其食道絕 陳卓曰客星舍角天下有陷

地 郝萌曰客星入舍右角小人有兵多恐兵起不用

石氏曰客星守左角色赤天下大旱五穀不成 郝

萌曰客星守左角獄吏多寃 石氏曰客星守右角有

大水

巫咸曰客星守右角

一曰色赤

多暴虐事

郝萌曰

客星守南角間赦

一云黃星守兩角間

不盡出期不出四十日

班固天文志云客星守兩角間姦人在宮庭 黃帝占

曰大客星守角白天下中隔不通 石氏曰客星守角強

臣寵取國勢他星守角獄多訟 巫咸曰客星守角五穀

不登大旱不生草木 郝萌曰守角臣謀其主一曰賊

臣從外入 又客星守角大旱五穀不熟燠旱不生一

曰色赤守角有兵 又客星守角天庭大臣有亂者凶  
一曰入天庭十日天下大亂 又客星逆行守左角穀  
貴 荊州占曰客星犯守角大旱五穀不登富人貧  
又赤星畱守兩角間有兵國閉青有大獄事白有義來  
者黃有土功黑有凶人主有殃

客星犯亢三

甘氏曰客星干犯亢中國不安兵起政亂期一年 石  
氏曰有星出入角間入亢色赤有過兵白有過客黑有

過喪 海中占曰客星數入亢國疾疫出亢疾已 夏

氏曰客星入亢人流亡 郝萌曰客星入亢天庭十日

天下大亂 又客星入亢有小旱期三十日 又曰旱

又曰有小水八穀水傷又曰五穀不登為後年

一書云五穀豐

人有禮讓 又曰客星入亢兵戰士卒行不出九年又曰天下

大亂 荊州占曰客星入亢中天下有德令色白期秋

赤期夏黃期六十日黑期百二十日 又有星出氏入

亢中而散人主有病從帶而上 東官候曰赤星入亢有

宗廟事色黑廟中有喪色青見血白有兵女主有喪  
百二十占曰他星入亢有來使者受命於廟色赤言兵  
黃言土白言義青言憂黑言憂客 石氏曰有星出亢  
有出使者以色占赤言兵黃言土白言義青使者憂黑  
使者凶一曰多兵 郗萌曰有星暴出亢愛臣以口舌  
事自殺期一月若一年 又黃星白星出廟以社中人有  
受賜者 又黑星出廟北而南入廟女主有客事者有  
廟之事 又客星出入亢五穀不登為後年 石氏曰

有星經兩角間亢諸侯客有來者廟將有事有口令  
海中占曰大赤星從角就亢人主遇賊 郝萌曰客  
星與亢合相為亂國易政 黃帝曰赤星集亢氏間廊  
廟間有陳兵 海中占曰客星出亢若守之其國大旱  
五穀傷貴人去其鄉人民流亡若芒角變色地動為害  
期三年 黃帝曰客星守亢國臣不祥 巫咸曰客星  
守亢有德令 郝萌曰客星守亢天下通臣有謀其主  
者軍敗不成多虫蝗糴貴絲貴有奇令 又客星守亢



下田傷 東官侯曰客星守亢則五穀頻不成糴貴  
荊州占曰客星畱守亢色赤旱青黃人去其鄉黃無他  
害黑人民流徙貴人憂芒角變色地動搖宮 海中占曰  
客星犯守國多妖祥

客星犯氐三

甘氏曰客星干人氐中後宮有亂暴兵動期百八十日  
遠三年 黃帝曰有客星入氐色白即將嗇夫受賜色  
黃遷色青黑不死則亢 又客星入氐日食地震糴貴

石百五十有奇令

一云羅石千五百穀為玉

石氏曰客星入氐棺槨貴

甘氏曰客星入氐

文曜鉤云守氐

邊邦有獻女者

海中占曰

大赤星入氐卒大出

郝萌曰客星數入氐有疾

一云沒巴數

出疾已

陳卓曰客星入氐兵從邊起若後宮亂暴兵動

五穀不成

荊州占曰客星入氐麥麻羊貴

黃帝曰客

星出氐

一云入氐

色黃白與兩星齊期十日而赦去兩星二尺

期百日有赦

黃帝曰有星出氐若有疾於國外

文曜

鉤曰客星出氐人主憂病一曰有德令若邊國有獻女者

郝萌曰有星入氐中而散入主有疾從帶下而上荆  
州占曰有星入氐中主人有疾從帶而下 石氏曰客星  
起氐中天子不安宮移徙女失坐 郝萌曰客星乘氐下  
星馬牛大貴 黃帝曰客星逆行入貫氐中央日月薄食  
郝萌曰客星逆行入貫氐中大人奪執失威大臣乘國之  
權又客星逆乘滅氐有土功事 黃帝曰有星守氐色黑  
大水其國有復王白廊廟有憂黃有喜亦有兵在廟中近  
臣謀弑貴人 文曜鉤曰客星守氐主人憂帶下病 石

氏曰客星守氏有謀臣欲危其主 巫咸曰客星守氏

兵起國亡天下受圖而俱起亡軍 海中占曰客星守

氏有德令 郝萌曰客星守氏天下中外不通馬不急

行國易政

案後魏志武紀曰桓帝時有黃星見於楚宋之分遼東殷胤善天文言後五十歲當有真

人起豐沛間其鋒不可當至五十年而太祖破袁紹天下莫敵

荊州占曰客星守氏

木器布帛倍價 郝萌曰客星逆守乘滅氏諸侯王

坐法者誅絕無後

客星犯房四

河圖曰客星干房失春政不法 甘氏曰客星干犯房  
王國空兵起人饑骨肉相殘 黃帝曰客星入房糴石  
千錢人多餓死相食多移去其田宅皆期後年 石氏  
曰客星入房輸食有入者出房輸食有出者 赤星入  
房國名寶用龍馬貴客星入房諸侯有獻馬者糴大貴  
郝萌曰赤星就房國圍又曰入房馬貴出房名寶有  
出者 客星入左服若右服其有來獻馬者出左右服  
人君使諸侯以馬為幣 客星入房有大臣弑其君者

又曰入天府天下有變更之令若有急令 客星入天

廐之中滿三日而去有赦 荊州占曰白星入房下北

門有攻戰排門者在於近臣期百二十日 客星入天

府有德令一曰有賊人一曰有兵發一曰天下且有天

喪 韓揚曰白星入房赦 黃帝曰客星出

玉歷云出若守之

在陽為旱為喪為饑在陰為兵為水亦為饑 班固天

文志曰漢孝武元光元年六月客星見於房二年十一

月單于將十萬騎入武州漢遣兵三十萬以待之 郗

萌曰客星出房近臣謀主若暴死期一年 又有星出

房左為父次為太子出房右為母次為長女 荊州占

曰青星出右驂若左驂而散人主為牛犇敗 郝萌曰

客星在表之北多水去下田耕高田在表之南多旱去

高田耕下田 客星在中道天下太和馬貴一曰牛貴

客星舍房左右羣臣有奪地者 又曰吞藥死者 石

氏曰客星守房左驂馬貴 客星守房宮有謀臣臣欲

無其主 巫咸曰客星守房糴貴 郝萌曰客房天下

有急令且恐治馳道又曰馬疾一日人主以馬為憂  
海中占曰客星犯鉤鈴主有犇馬之敗 石氏曰客星  
犯鉤鈴王宮大亂不出三年

客星犯心五

石氏曰有星入心諸侯有來使者星出心君使人於諸  
侯色赤言兵也色黃言土功色白言義色青言使者憂  
色黑言客凶 甘氏曰赤星入心留迴之天子不有喪  
當兵死 夏氏曰客星入心有德令 郝萌曰客星入



天子之宮十日成勾已天下有大赦 客星入太子宫

太子益官

一本云太子不得代

黑星出房而入心近臣謀主若暴

死期一月中 客星入心丞相憂疾又曰大赦期三月

赤星入心右星太子有兵入心左星庶子有兵 青

黑星入心右星太子有憂若有罪入左星庶子有憂若

有罪 黃白星入心右星太子受賜入左星庶子受賜

甘氏曰客星出心天下大旱兵起滿野車騎用國易

政期三年 郝萌曰客星出心中央星以南若左右有

抵罪而走者黃白無故青憂黑死赤以兵隨之 又曰  
心上有一星去心一尺所有中謀下有星去心一尺所  
有外謀星多謀多星少謀少謀多者謂人多也上下俱  
星中外俱有謀星遠人遠星近人近近期百日中期在  
衝月遠期在一年中 荊州占曰以四月五月在心尾  
間至七月八月大虫從東南來 黃帝曰有星大如足  
布貫尾判心下星諸侯有來附兵於君者 郗萌曰客  
星舍心兵起 客星逆乘滅心有謀易君者宮內有亂

謀權在宗家得執大臣 黃帝曰客星守心不過三旬  
有善令 赤星大如鋒矢赤如雞血入守心人主遇賊  
其出心也行道甚遠人主戮於千里之外 聖洽符曰  
客星守心五十日不去兵大起國有喪人民以饑亡糴  
貴十倍期不出百八十日遠一年 巫咸曰客星守心  
糴貴人饑兵臣謀有姦臣成勾已有德令期三月十月  
稷布大貴 郝萌曰客星守心有太土功有大喪大人  
當之又曰人疾 客星守心中央星大人憂守太子太

子得立守庶子庶子誅 客星守心赤為亡兵青黑為

憂 客星守心二十日穀大貴 荊州占曰赤星守心

大軍兵滿野車騎用布帛貴媚女運穀三年易改 雜

候集曰他星守心其國亡邑有善令 天旬占曰客星

守心蜚蝗大起糴大貴十倍萬人饑流亡在道下有謀

反逆者 石氏曰客星犯守心宮鐘大鳴劒戟大橫大

臣相疑天下兵起心變期急近期七日中期七十日遠

期百八十日 荊州占曰客星犯乘守心者大旱天下

偏火近期十日遠期三年

客星犯尾六

黃帝曰客星入尾歲饑人相食多死者 聖洽符曰客

星入尾大水其人之順行有德逆行凶 石氏曰客星

入尾北夷大饑來降 客星入尾人多移徙 又曰入

天司空多上功事有尾之禽大貴天下大水黑星若蒼

星入尾故臣有來使者 白星入尾箕邊城將侯司空

死之 客星入尾皇后有以珠玉簪珥惑天子者 客

星入尾多風一曰水祥一曰雨降 客星入尾宮人惡  
之 荊州占曰客星入尾天下大振一東一西一南一  
北男不得耕女不得織

客星犯箕七

黃帝占曰客星守箕多土功事又曰守箕北小熟守箕  
東大熟守箕南小饑守箕西大饑 石氏曰客星守箕  
天下饑色赤則為兵 郝萌曰客星入箕民流亡若出  
箕宮人出 荊州占曰客星入箕多風暴雨宮女不安

或外國有使來一曰官木用 武密曰客星入箕則有  
風雨 天文總論曰客星入箕有土功事守箕則秋冬  
水災 天文錄曰客星出於箕民饑大臣有見棄者入  
箕北夷饑

唐開元占經卷七十八

欽定四庫全書

唐開元占經卷七十九

唐 瞿曇悉達 撰

客星占三

犯北方七宿

客星犯南斗一

甘氏曰客星干犯南斗度其國必亂兵大起期一年

陳卓曰客星干犯南斗王者疾病臣謀其君子謀其父



弟謀其兄是謂無理諸侯不通天下易政期百八十日遠  
不出一年 黃帝曰客星入南斗中三尺三日不去城

郭閉道不通貴人坐之又曰人鈇鉞外兵擒士卒殺傷

其將外國來降

北官侯曰國  
來而不降

河圖曰有星入南斗有

君來見吾君者

聖洽符曰小赤星氣交入南斗建中

此揚見精者宮人子方生非其子也

石氏曰有星入

南斗諸侯客有來見天子者出斗天子使人之諸侯色

青皆言憂赤皆言兵黃皆言土白皆言義黑皆言凶

客星入南斗中三日三夜天下有赦期三月 巫咸曰  
客星入南斗諸侯不通天子且有舉兵伐父者弟攻其  
兄 夏氏曰客星入南斗諸侯相攻伐 郗萌曰客星  
入南斗多盜賊以十一月四月入斗中天下赦無餘囚  
期六十日遠期六月 陳卓曰客星入南斗中穀不登  
人相攻 石氏曰客星出南斗兵革大起有大水天下  
饑人相食一曰闕梁不通期二年 宋書天文志曰晉  
孝武太元二年三月客星在南斗至六月乃没占曰有

兵一曰有赦是後雍克冀常有兵役十二月正月大赦  
八月又赦 郝萌曰赤白星暴出南斗魁前宮室兵起  
中魁神將軍坐之戮死 帝覽嬉曰客星居南斗道不  
通 黃帝曰客星守南斗五穀登賤貴於後冬 文耀  
鉤曰客星守南斗五十日大臣有謀兵大起國易政王  
者有憂期三年 黃帝曰客星守南斗其君不親信其  
臣有兵興 石氏曰客星守南斗天下有喜福五穀熟  
郝萌曰客星守南斗諸侯謀王者役軍人皆走又曰

大旱宮廟有火之憂人多疾疫 又曰客星守南斗天  
下易政一曰兵官憂一曰以水饑 班固天文志曰元  
帝初元元年四月客星大如瓜色青白在南斗第二星  
東可四尺其五月渤海水大溢 荊州占曰客星守天  
庫兵革起

客星犯牽牛二

陳卓曰客星犯牽牛有犧牲之事 石氏曰客星中犯  
牽牛吳越兵自立三年而滅期不出一年遠三年中

彗要占曰客星干犯牽牛中國起兵 黃帝曰客星入

牽牛諸侯有兵又曰入天鼓外國來降 郝萌曰客星

入牽牛大臣外交諸侯赤黃白成青黑敗又曰有星入

牽牛諸侯客有來以四足虫為幣者出牽牛君使之諸

侯以四足蟲為幣色青皆道疾黑死不至 荊州占曰

客星入牽牛有兵發而行 甘氏曰客星出牽牛有兵

起大將出若闕梁不通若地大動馬牛貴三倍期二年

巫咸曰客星出牽牛其國兵起大將出若闕梁不通

多死期不出一年 陳卓曰客星出牽牛兵北行 郗

萌曰客星舍牽牛臣謀其主五穀不登 續漢書天文志

曰孝明永平九年正月戊申客星出牽牛長八尺歷建  
星至房南滅見五十日牽牛主吳越房心為宋後廣陵  
王荆與沈涼楚王英顏忠各謀逆事覺皆自殺廣陵屬  
吳彭城古宋地 石氏曰守牽牛越有善象獻中國

甘氏曰赤星守牽牛人民為亂 郗萌曰客星守牽牛

王者外其大臣 又曰客星守若入牽牛盜賊在江海

歲多水

案司馬彪天文志曰李順永建六年十二月壬申客星芒氣長二尺餘西南指色蒼白在牽牛

六度後一年會稽海賊曾於等殺長吏拘奪吏民揚州六郡逆賊章何等犯四十九縣大攻吏人也

地軸

占曰客星守牽牛地大動海中占曰客星出入守牽牛

馬貴價三倍

客星犯須女三

陳卓曰客星干犯須女隣國有以奇女來進侍者妾近

為后石氏曰客星入須女諸侯有進女侍者陳卓

曰客星入須女麻貴諸侯有兵江淮道路不通郗萌

曰客星入須女畱不去天下諸侯王有不通者一曰父子不通 荊州占曰客星入須女有嫁女娶婦事多絲帛絮貴 帝覽嬉曰客星出須女宮人有謀女主憂兵起宮門若貴人有死期一年遠二年 石氏曰客星出須女有嫁女事黃白吉青黑凶赤憂 郝萌曰客星暴出須女女主戮罪期一年 又客星舍須女畱不去有奇令 百二十占云他星出須女御女有出者 黃帝曰赤星守須女女子之喪 孝經內記曰客星守須女



有奇女降絲絮布帛貴 甘氏曰赤星守須女人民為  
亂 甘氏曰客星守須女南有獻女賤女暴貴 郝萌  
曰客星守須女女子亂其國亡其政 赤星守須女有  
急兵食貴人自賣者一去女妾為妻 陳卓曰客星守  
須女糶貴 北官侯曰青星入須女多以兵事死者  
百二十占云他星入須女守之天下有內美女者 荆  
州占曰有黑星出須女有喪

客星犯虛四

郝萌曰客星干犯虛中哭泣之事有井田之法改制之事  
黃帝曰客星入虛有軍在外大饑將離散卒死亡  
天下有大令 石氏曰客星虛中主出將有二客星天  
下無處主 客星入虛中色赤有遊客入國色黃白吉  
色青黑有凶事 郝萌曰客星入虛種貴糴大貴又曰  
天府有德令期十一月 客星入虛中三日環之有赦  
期七十日 客星入虛大人當之 客星入虛危色赤  
有讐客來者色白有無幣客來者赤星入虛糴貴人有

自賣者 荊州占曰客星入虛天下大亂政急大人憂  
其國饑 百二十占曰他星入虛危青若黑有以喪事  
使者 石氏曰有星入虛危色青黑有哭泣之事 客

星出虛大臣為亂兵大起國有喪天下有哭泣之事期

三年

案司馬彪天文志曰孝安永初三年十一月甲午客星見西方色蒼白在虛危南至胃昴至建光元

年三月癸巳  
鄧太后崩

郝萌曰客星入虛君使人之諸侯亦無

幣青黑有告喪者 客星出入虛天子自將兵於野

客星舍天府天下有急行期十月 石氏曰夏三月視

虛中有奇星一在虛邦不居其處有奇星二將死有奇星三相死有奇星四將軍敗有奇星五大凶 司馬彪天文志曰客星在虛危為喪 孝經章句曰客星守虛臣亂其上而不知又曰國君死或有德令 甘氏曰客星守其國兵 玉歷曰客星守虛三十日不去其國君死若大臣有戮兵喪並起期百八十日遠一年 百二十占云他星守虛有謀 巫咸曰客星出虛而守之其國君死若大臣有戮期百八十日遠一年 石氏曰客星

犯守虛近一年遠二年當有哭泣之事

郝萌曰國有哭泣之事

陳卓曰客星犯守虛天下有謀

### 客星犯危五

郝萌曰客星犯危國有哭泣之事

案宋書天文志曰魏明帝景初二年十月癸巳客星見危

逆行在離宮北勝蛇南三年正月明帝崩

一曰多雨水五穀不收人相食於道 荊州

占曰客星入危有土功王者築宮室不出一年大水不

出三年大飢萬人無食 百二十占曰他星入危有盖

屋之事色赤大變青憂 甘氏曰客星出危大臣被刑

法官有憂國多水災有土功王者築宮室期不出年

甘氏曰赤星出危以火廢國 郝萌曰客星出危中大

水一曰大饑 甘氏曰客星守危王者遷都其國更立

侯王 郝萌曰客星守危天下必有易政更令 客星

守危人主失勢奪土強臣專國命在台族又曰具有大

風有所危敗又曰不出三年王者蓋屋治宮天下匠工

起多土功又曰人流亡 郝萌曰客星守危國政危

巫咸曰客星入守危糴大貴不出三年 荊州占曰客

星守危若彗星干之王侯有薨者王改服不出百八十

日

黃帝占曰以日入命其國

黃帝曰客星入守危若出危大饑人

食貴為後年 郝萌曰客星守墳墓人主有哭泣之聲

客星犯營室六

郝萌曰客星犯營室國且有宗廟哭泣事 黃帝曰奇

星入營室中者天子有憂 河圖曰客星入營室順行

有德逆行凶 聖洽符曰黑星起廟南入廟北女主有

死者死者廢廟之事若出廟以北行中人有鴆死者或

曰廟祭之事 黑星出月入廟人主有藥死不然有藥  
人主者 巫咸曰客星入營室天下有兵又曰人民流  
食千里 海中占曰客星入營室有軍軍中大饑將離  
散士卒死亡 郝萌曰客星入營室外夷兵起貸倉多  
饑死者 客星入營室邊外起兵此為外夷之事 客  
星入營室國亂去其主 奇星入營室不盜即賊大亂  
又曰無兵兵起有兵兵罷星大軍皆大星小軍皆小  
黑星起廟北而南入女主惡之 客星從東壁入西



壁廟若城郭有起者 赤星入廟人臣謀主 荊州占  
曰他星入營室諸侯有來使者出營室君使人之諸侯  
色赤皆言兵白皆言義黃皆言土青皆有憂黑皆凶

又奇星入營室有陰雨垣牆無立者 又黑星出入廟

廟上有死者不死者見血起廟北而南入女主有死者  
有廟廢之事 聖洽符曰白星出廟正南廷有兵或曰

赤亦然 客星出營室國有土功人大饑大臣為亂兵

大起士卒亡

齊伯曰期一年不二年

春秋緯曰星赤黃出營室

中名曰怪獲主奇去其國貴人有死者上旬見其年髮  
半白來月上旬死中旬見其年鬢白來月中旬死偏任  
后雄烈之毒也下旬見其年盛壯來月下旬死將用事  
毒害流 郝萌曰客星出西壁若東壁城郭有壞者

赤星出廟上正南抵庭有兵作廟上有兵 白星出廟  
以北中人有受賜者 黃帝曰赤星從東壁之西壁臣  
有戮其主 聖治符曰赤星在營室有死者不死者見  
血 郝萌曰客星舍營室其國且作宗廟多土功事畱

不去匈奴有兵來 石氏曰客星守離宮兵起人君有  
憂一曰有急 甘氏曰客星守營室有軍者客降主得  
人地 郁萌曰客星守營室亂出其城郭之事 有奇  
星守東壁天子為軍自守一曰天下搖動在四方 黃  
帝曰客星入若守東壁諸侯相謀 郁萌曰客星入若  
守東壁天下且有大喪白衣滿野

唐開元占經卷七十九

# 欽定四庫全書

子部  
唐開元占經卷  
八十至  
八十二

詳校官中書臣李采

靈臺郎臣倪廷梅覆勘

總校官編修臣王煦緒

校對官中書臣王慶長

謄錄監生臣錢雋選

欽定四庫全書

唐開元占經卷八十

唐

瞿曇悉達 撰

客星占四

犯西方七宿

客星犯奎一

石氏曰客星犯奎國有溝瀆之事 黃帝曰客星犯入

奎破軍殺將 甄耀度曰客星亂芒而角入奎有破軍殺

將王者有憂人主當之期三年 石氏曰客星入奎外  
夷起兵麻杲貴 甘氏曰客星入奎強國奪地變爭兵  
起白衣自立擾中國 郝萌曰客星入奎刀劍布帛貴  
赤星入奎兵起期十年一曰出奎國兵出一曰數入  
奎國兵聚 客星入奎西夷有兵來到而還 客星入  
奎諸山水澮 荊州曰客星入奎邊兵大動王功大起  
陳卓曰客星入奎武庫之臣且有罪 西官候曰客  
星入奎赤邊兵大動黑天下溝渠之事黃土功大起

石氏曰有星入奎有無所受命而來使者 荊州曰有  
星入奎有陂瀆之事於國中出奎有陂瀆之事於國外  
黃星入奎宮有土功事宮中有變 西官候曰赤星  
入奎兵聚有敗軍 巫咸曰客星出奎邊兵大起白衣  
立為王刀劍大出奎國兵出入奎國兵聚 荊州曰星  
赤黑出奎有敗軍 西官候曰赤星出奎外夷動兵  
石氏曰有星出奎有無受命矯使者 巫咸曰赤星逆  
行從婁至奎有兵 郝萌曰客星舍奎留不去飢一曰

繒帛貴 黃帝曰赤星守奎糴賤 邾萌曰客星守奎  
糴賤賊臣在側其事敗又曰謀臣有巧偽惑天子者一  
曰國以佞亡又客星守奎天下修兵臣有國者 客星  
守奎有殺霜不時下者一曰牛疾疫一曰六畜貴 荆  
州曰客星守奎王者憂大人當之又曰魯國起兵 玄  
冥占曰客星守奎強國爭起兵有白衣自立動國

客星犯婁二

石氏曰客星干犯婁國有大兵四時紀祠婁主苑牧給



享祠天以奉宗考王者以承天諸占遠不出三年黃  
帝曰客星入婁糴太貴在後年石氏曰客星入婁外  
夷兵起有聚衆之事郝萌曰客星入婁中三日環之  
天下有赦贖作期七十日赤星入婁兵起期十年  
荊州曰客星入婁旱千里有火災其國燔燒金銀用倉  
庫虛天下人民多疾病百二十占他星入婁有聚衆  
於國內石氏曰客星出於婁邊城和荊州曰客星出  
婁有罷衆之令西官候曰有星出婁有白服衆事

百二十占他星出婁有罷衆於國外 石氏曰客星守婁人民亂一曰有聚衆之事 却萌曰客星守婁天下大虛臣有感天子奪主之權者歲多獄訟布帛貴又曰有從諸侯來附其君不成一曰多獄訟 又曰客星入若守婁其國且燔燒困倉 海中占客星出婁而守之天下欲有分奪國者一曰客欲奪王國邊境侵地期一年遠二年 却萌曰客星守犯婁天下欲分社稷者白衣自立者牛馬貴一曰有白衣之聚

客星犯胃三

石氏曰客星干犯胃五穀不成倉庫空虛海中占客星犯胃有軍發之事陳卓曰客星犯胃倉粟用石氏曰有星入胃有葆食之事入出胃葆食之事出者又曰客星入胃王者有倉之事其有出胃中有出穀粟事郝萌曰客星入胃中三日一環之期七十日赦又曰五穀大貴天下無聚物荊州曰有星入胃王者有廩倉之事百二十占客星入胃飲食之事入出之飲

食之事出 黃帝曰客星出胃入廂人主食藥死一曰  
有藥人主者 荊州曰客星出胃有出穀粟事 玄冥  
占曰客星出胃王者備四夷強臣陵國有大兵天下發  
粟金銅之事期百八十日遠年 孝經章句赤星守胃  
國無事 甘氏曰客星守胃強臣陵國 郝萌曰客星  
守胃留不去天下飢 荊州曰客星守胃天下有發粟  
事金銅貴 郝萌曰有星入若守胃有奇令又曰客星  
乘滅若守胃國官之倉有大兵焚燒其倉

客星犯昴四

黃帝占客星入天獄中二月天下有赦期五月 石氏  
曰客星入昴有白衣之會於國內又曰貴人有繫囚者  
昴濁之間天街也若客星守之天下有謀慮 郝萌曰  
客星入昴天下且有大喪又曰衆獄且妄殺不辜以誤  
主上客星入昴畢間諸侯有謀上者又曰留三日赦不  
留有憂 客星從昴陽入有客 荊州曰客星入天獄  
中有德令水泉出民去本土就丘邑 西官侯曰客星

暴出胃入昴中國大人暴死期一年 百二十占他星  
入昴貴人有德令若出昴兵衆滿野 司馬彪天文志  
曰孝明永平十四年正月戊子客星出昴六十日昴主  
邊兵後漢遣奉車都尉顯親侯竇固等將兵三千餘人  
擊匈奴 石氏曰有星出昴兵衆滿野非喪則會也

郝萌曰客星從昴陰出有走主 客星居昴北有別離  
之國奪地死者 客星入若留昴王者絕嗣同姓有起  
入為主者 客星舍昴不去天下囚多則盜賊並起若

客星犯胃三

石氏曰客星干犯胃五穀不成倉庫空虛海中占客星犯胃有軍發之事陳卓曰客星犯胃倉粟用石氏曰有星入胃有葆食之事入出胃葆食之事出者又曰客星入胃王者有倉之事其有出胃中有出穀粟事郝萌曰客星入胃中三日一環之期七十日赦又曰五穀大貴天下無聚物荊州曰有星入胃王者有廩倉之事百二十占客星入胃飲食之事入出之飲

食之事出 黃帝曰客星出胃入廂人主食藥死一曰  
有藥人主者 荊州曰客星出胃有出穀粟事 玄冥  
占曰客星出胃王者備四夷強臣陵國有大兵天下發  
粟金銅之事期百八十日遠年 孝經章句赤星守胃  
國無事 甘氏曰客星守胃強臣陵國 郝萌曰客星  
守胃留不去天下飢 荊州曰客星守胃天下有發粟  
事金銅貴 郝萌曰有星入若守胃有奇令又曰客星  
乘滅若守胃國官之倉有大兵焚燒其倉



客星犯昴四

黃帝占客星入天獄中二月天下有赦期五月 石氏

曰客星入昴有白衣之會於國內又曰貴人有繫囚者  
昴濁之間天街也若客星守之天下有謀慮 郗萌曰

客星入昴天下且有大喪又曰衆獄且妄殺不辜以誤  
主上客星入昴畢間諸侯有謀上者又曰留三日赦不  
留有憂 客星從昴陽入有客 荊州曰客星入天獄  
中有德令水泉出民去本土就丘邑 西官候曰客星

暴出胃入昴中國大人暴死期一年 百二十占他星  
入昴貴人有德令若出昴兵衆滿野 司馬彪天文志  
曰孝明永平十四年正月戊子客星出昴六十日昴主  
邊兵後漢遣奉車都尉顯親侯竇固等將兵三千餘人  
擊匈奴 石氏曰有星出昴兵衆滿野非喪則會也

郝萌曰客星從昴陰出有走主 客星居昴北有別離  
之國奪地死者 客星入若留昴王者絕嗣同姓有起  
入為主者 客星舍昴不去天下囚多則盜賊並起若

留十餘日不去回紇內相賊國家兵起回紇來降 有

星入舍昴南糴一貴一賤 聖洽符曰他星守昴漁獵

起 石氏曰客星守昴萬民亂 甘氏曰客星守昴有

詐稱王命者不出百八十日 郝萌曰客星守昴讒臣

有蔽主德者又曰有謀以藥害上者又曰囚徒有聚兵

弩攻獄者 西官侯曰客星守昴執法臣誅 客星占

曰客星守昴朔地殃天下多亂獄 百二十占他星守

昴萬民憂 文耀鉤客星出昴若犯守之當有詐稱王

令譎命中國若有妄言讒諛者必有自敗 郝萌曰有  
星入守昴金器刀劍貴 荊州曰客星犯守昴讒諛賊  
臣在內諸侯謀上一曰有白衣徒聚謀慮

客星犯畢五

黃帝曰有星入畢中而復出其星小小赦星大大赦  
聖洽符曰客星入畢順行有德逆行凶 石氏曰客星  
入畢人主獵一曰有以獵惑人主者一曰兵起邊兵大  
動一曰羊貴又曰大赤星入畢口天下大赦期十五日

若三十日六十日將相有大憂 郗萌曰客星入畢多  
獄事一曰貴人有繫囚者 黃星入畢三夜常見相死  
九十日后死百二十日大人當之 客星入畢中二月  
天下有赦除責期五月 客星入畢口與兩股齊者有  
走主又曰期四十日兵發率一日而十日兵罷其去也  
視其東南西北所往及其所近宿或受兵 客星入畢  
中與兩股齊期四十日兵發直一星期二十日兵發居  
期十日兵發 荊州曰客星入畢四夷兵起並為盜

西官候曰客星入畢中率一日為十日諸侯女主當之  
君有憂先起兵者亡 百二十占他星入畢有兵革謀

春秋緯曰赤星出濁大卒出 孝經章句曰客星出

濁中國人為亂有走君在濁傍有讒臣在傍者入濁兵  
起 巫咸曰客星出畢邊兵為亂四裔兵起疆宇靡寧

天下飢必有亡國近一年遠二年 郝萌曰客星出畢

邊有兵車馬有急行 荊州曰客星出畢人主好畋獵

郝萌曰客星從畢赤黑陰出有走主 西官候曰客

留十餘日不去回紇內相賊國家兵起回紇來降 有  
星入舍昴南耀一貴一賤 聖洽符曰他星守昴漁獵  
起 石氏曰客星守昴萬民亂 甘氏曰客星守昴有  
詐稱王命者不出百八十日 郝萌曰客星守昴讒臣  
有蔽主德者又曰有謀以藥害上者又曰囚徒有聚兵  
弩攻獄者 西官候曰客星守昴執法臣誅 客星占  
曰客星守昴朔地殃天下多亂獄 百二十占他星守  
昴萬民憂 文耀鉤客星出昴若犯守之當有詐稱王

令譎命中國若有妄言讒諛者必有自敗 郝萌曰有  
星入守昴金器刀劍貴 荊州曰客星犯守昴讒諛賊  
臣在內諸侯謀上一曰有白衣徒聚謀慮

客星犯畢五

黃帝曰有星入畢中而復出其星小小赦星大大赦  
聖治符曰客星入畢順行有德逆行凶 石氏曰客星  
入畢人主獵一曰有以獵惑人主者一曰兵起邊兵大  
動一曰羊貴又曰大赤星入畢口天下大赦期十五日



若三十日六十日將相有大憂 郗萌曰客星入畢多  
獄事一曰貴人有繫囚者 黃星入畢三夜常見相死  
九十日后死百二十日大人當之 客星入畢中二月  
天下有赦除責期五月 客星入畢口與兩股齊者有  
走主又曰期四十日兵發率一日而十日兵罷其去也  
視其東南西北所往及其所近宿或受兵 客星入畢  
中與兩股齊期四十日兵發直一星期二十日兵發居  
期十日兵發 荊州曰客星入畢四夷兵起並為盜

西官候曰客星入畢中率一日為十日諸侯女主當之  
君有憂先起兵者亡 百二十占他星入畢有兵革謀  
春秋緯曰赤星出濁大卒出 孝經章句曰客星出  
濁中國人為亂有走君在濁傍有讒臣在傍者入濁兵  
起 巫咸曰客星出畢邊兵為亂四裔兵起疆宇靡寧  
天下飢必有亡國近一年遠二年 郝萌曰客星出畢  
邊有兵車馬有急行 荊州曰客星出畢人主好畋獵  
郝萌曰客星從畢赤黑陰出有走主 西官候曰客

星居畢中不時出主喪 却萌曰客星入畢中留不去

馬貴一曰牛貴 黃帝曰客星守畢歲大饑 石氏曰

客星守畢大臣有謀者還有謀臣一曰讒臣蔽主之德

甘氏曰客星守畢外國稱王詐來不可信外臣謀叛

興近臣通奸 却萌曰客星守畢大臣憂多陰謀其事

不成一曰有土功風雨不時穀貴又曰有走主 客星

飛守畢有德令 客星守畢天子絕嗣無後 宋書天文志曰晉

惠帝永興元年五月客星守畢 又曰星守畢后族可收

光熙元年惠帝崩終無繼嗣也

者一曰霜大下一曰諸侯有謀慮一曰溝水大出 荆

州曰客星守畢王者大將出 黃帝曰客星入若守畢

有福有德令 陳卓曰客星犯守畢大臣有誅者無兵

兵罷

石氏曰視其東西知其往國受兵

河海盈溢人民多流亡 郝萌

曰客星守附耳兵一曰邊兵尤甚

客星犯觜觿六

荊州曰客星干犯觜觿其國破亡 黃帝曰客星入觜

觿車馬有急期四月五月 郝萌曰客星入觜觿有大

喪 荊州曰有星入觜觿色青凶亦有喪黃若白吉喜

黑死若有水災穀糴百倍 黃帝曰赤白星入觜觿若

暴出觜中臣與外臣謀弑其王星遊行先覺不得成不

行不明不覺期一月

石氏曰星  
明期三月

百二十占他星入觜

觿有葆旅之事於國內星出觜有葆旅之事於國外一

曰兵罷 巫咸曰客星出觜觿國有大喪若有侵土欲

為君王者若有水災穀貴糴百倍人多餓死期不出三

年 陳卓曰客星食觜觿食太貴 石氏曰客星守觜

觜魏有良臣輔國主在西南二千里 甘氏曰客星守  
觜觜西戎動侵土欲為君王者崇禮以制義則國安  
郝萌曰客星入守觜觜牛馬有急行 郝萌曰客星犯  
若守觜觜其國破亡一曰食貴一曰有大喪

客星犯參七

黃帝曰有星入參中央星色白縣令有賜若伐色青黑  
縣令有罪 夏氏曰客星入參五穀貴 百二十占他  
星入參有衡石之事於國內星出有衡石之事於都外

星居畢中不時出主喪 却萌曰客星入畢中留不去

馬貴一曰牛貴 黃帝曰客星守畢歲大饑 石氏曰

客星守畢大臣有謀者還有謀臣一曰讒臣蔽主之德

甘氏曰客星守畢外國稱王詐來不可信外臣謀叛

興近臣通奸 却萌曰客星守畢大臣憂多陰謀其事

不成一曰有土功風雨不時穀貴又曰有走主 客星

飛守畢有德令 客星守畢天子絕嗣無後

案宋書天文志曰晉

惠帝永興元年五月客星守畢  
光熙元年惠帝崩終無繼嗣也

又曰星守畢后族可收

者一曰霜大下一曰諸侯有謀慮一曰溝水大出 荆

州曰客星守畢王者大將出 黃帝曰客星入若守畢

有福有德令 陳卓曰客星犯守畢大臣有誅者無兵

兵罷

石氏曰視其東西知其往國受兵

河海盈溢人民多流亡 郝萌

曰客星守附耳兵一曰邊兵尤甚

客星犯觜觿六

荊州曰客星干犯觜觿其國破亡 黃帝曰客星入觜

觿車馬有急期四月五月 郝萌曰客星入觜觿有大



喪 荊州曰有星入觜觿色青凶亦有喪黃若白吉喜

黑死若有水災穀糴百倍 黃帝曰赤白星入觜觿若

暴出觜中臣與外臣謀弑其王 星遊行先覺不得成不

行不明不覺期一月

石氏曰星  
明期三月

百二十占他星入觜

觿有葆旅之事於國內星出觜有葆旅之事於國外一

曰兵罷 巫咸曰客星出觜觿國有大喪若有侵王欲

為君王者若有水災穀貴糴百倍人多餓死期不出三

年 陳卓曰客星食觜觿食大貴 石氏曰客星守觜

觜魏有良臣輔國主在西南二千里 甘氏曰客星守  
觜觜西戎動侵土欲為君王者崇禮以制義則國安  
郝萌曰客星入守觜觜牛馬有急行 郝萌曰客星犯  
若守觜觜其國破亡一曰食貴一曰有大喪

客星犯參七

黃帝曰有星入參中央星色白縣令有賜若伐色青黑  
縣令有罪 夏氏曰客星入參五穀貴 百二十占他  
星入參有衡石之事於國內星出有衡石之事於都外

色青黑不出一年兵大起國之邊境壞 石氏曰客星  
入參中邊有暴兵起邊地圍而壞 郝萌曰客星入伐  
有兵不足以傷又曰入天尉中十日宮中有自殺者入  
其陽為男入其陰為女皆期三十日 郝萌曰有星入  
伐有斬刈之事於國內若出伐有斬刈之事於國外色  
赤以兵斬刈色白白衣斬刈 石氏曰赤星出參中央  
星邊有兵縣令自將兵 客星出參邊有暴兵起邊城  
有圍客軍入國若有戰期不出二年 郝萌曰有星出

參中者大臣有憂一星出則一人有憂二星出則二人有憂三星出則三人有憂客星出參斧鉞兵出入斧鉞兵入 荊州曰客星出參而環繞之邊城兵起 石氏曰赤星出參武卒用若守之天尉中媵嫡相距 客星在伐色黑為水 却萌曰客星在伐色黃為土功色白為喪 甘氏曰客星守參亡地 却萌曰客星守參有小兵大臣有執主之命者若讒臣有女子惑天子者 一曰老人多死馬貴 又曰更易君色白為死赤為兵

黃為易位黑為憂蒼為小喜又曰旱糴貴 石氏曰客  
星守參魏多君子 巫咸曰客星入守參諸侯國當之  
郝萌曰客星守伐誅大臣

唐開元占經卷八十

色青黑不出一年兵大起國之邊境壞 石氏曰客星  
入參中邊有暴兵起邊地圍而壞 郝萌曰客星入伐  
有兵不足以傷又曰入天尉中十日宮中有自殺者入  
其陽為男入其陰為女皆期三十日 郝萌曰有星入  
伐有斬刈之事於國內若出伐有斬刈之事於國外色  
赤以兵斬刈色白白衣斬刈 石氏曰赤星出參中央  
星邊有兵縣令自將兵 客星出參邊有暴兵起邊城  
有圍客軍入國若有戰期不出二年 郝萌曰有星出

參中者大臣有憂一星出則一人有憂二星出則二人有憂三星出則三人有憂客星出參斧鉞兵出入斧鉞兵入荆州曰客星出參而環繞之邊城兵起石氏曰赤星出參武卒用若守之天尉中媵嫡相距客星在伐色黑為水却萌曰客星在伐色黃為土功色白為喪甘氏曰客星守參亡地却萌曰客星守參有小兵大臣有執主之命者若讒臣有女子惑天子者一曰老人多死馬貴又曰更易君色白為死赤為兵



黃為易位黑為憂蒼為小喜又曰旱糴貴 石氏曰客  
星守參魏多君子 巫咸曰客星入守參諸侯國當之  
郝萌曰客星守伐誅大臣

唐開元占經卷八十

欽定四庫全書

唐開元占經卷八十一

唐 瞿曇悉達 撰

客星占五

犯南方七宿

客星犯東井一

郝萌曰客星犯東井國有土功事小兒妖言 客星犯  
東井東井此日國亂兵起 荊州曰客星干犯東井其

國用兵大臣誅期八十日 黃帝曰客星入東井五穀

不收糴大貴 客星出北斗入東井有邑將治陂堤及

水事 孝經章句曰客星入天渠道塗不通以水為敗

司馬彪天文志曰孝安永初元年八月戊申客星在

東井弧星西南是時羌反斷隴道遣帥將左右羽林北

軍五校及諸郡兵征之是歲郡國四十一郡三百一十

五所雨水四瀆溢傷秋稼壞城郭殺人之甚也 石氏

曰有星入東井有客以水令來者 郝萌曰客星出柳

入井主浮船 又曰入東井君失政臣為亂大人當之  
一曰宮中有大憂 荊州曰客星入東井貴人死若有  
奇令多失火火神從天下妖祥自地出 西官候曰客  
星入東井貴人有疾者 百二十占他星入東井有水  
事於國內 黃帝曰客星出東井宮中火起大人為亂  
兵大起將軍有憂若白衣有自立者其國必破期三年  
百二十占曰他星出東井有水事於邦外 郗萌曰  
客星出東井水潦且至 荊州曰客星經絕東井名水

有絕者 黃帝曰客星入東井中留十日而成勾已有  
贖罪之令期十月 客星守東井水 石氏曰客星守  
東井有旱蟲人多疾一曰貴人死以其國占之 甘氏  
曰客星守東井有白衣自立者其國破不出年中 巫  
咸曰客星留守東井四十日已上貴人女有懷子而化  
為水者 郝萌曰客星守東井多失火者一曰大臣為  
亂一曰三十日已上貴人女有懷子而死者一曰百川  
皆溢又曰天子以酒為憂貴人有族者男子不得耕女

欽定四庫全書

唐開元占經卷八十一

唐 瞿曇悉達 撰

客星占五

犯南方七宿

客星犯東井一

郝萌曰客星犯東井國有土功事小兒妖言 客星犯  
乘守東井此日國亂兵起 荊州曰客星干犯東井其

國用兵大臣誅期八十日 黃帝曰客星入東井五穀不收糴大貴 客星出北斗入東井有邑將治陂堤及水事 孝經章句曰客星入天渠道塗不通以水為敗

司馬彪天文志曰孝安永初元年八月戊申客星在東井弧星西南是時羌反斷隴道遣帥將左右羽林北軍五校及諸郡兵征之是歲郡國四十一郡三百一十五所雨水四瀆溢傷秋稼壞城郭殺人之甚也 石氏曰有星入東井有客以水令來者 郝萌曰客星出柳



入井主浮船 又曰入東井君失政臣為亂大人當之  
一曰宮中有大憂 荊州曰客星入東井貴人死若有  
奇令多失火火神從天下妖祥自地出 西官候曰客  
星入東井貴人有疾者 百二十占他星入東井有水  
事於國內 黃帝曰客星出東井宮中火起大人為亂  
兵大起將軍有憂若白衣有自立者其國必破期三年  
百二十占曰他星出東井有水事於邦外 郗萌曰  
客星出東井水潦且至 荊州曰客星經絕東井名水

有絕者 黃帝曰客星入東井中留十日而成勾已有  
贖罪之令期十月 客星守東井水 石氏曰客星守  
東井有旱蟲人多疾一曰貴人死以其國占之 甘氏  
曰客星守東井有白衣自立者其國破不出年中 巫  
咸曰客星留守東井四十日已上貴人女有懷子而化  
為水者 郝萌曰客星守東井多失火者一曰大臣為  
亂一曰三十日已上貴人女有懷子而死者一曰百川  
皆溢又曰天子以酒為憂貴人有族者男子不得耕女

子不得織 荊州曰客星守東井貴人有疾者 玉歷

曰客星守東井左右秦以饑相有罪咎齊以聞梁有火

災 西官候曰客星守東井色赤宮中憂留二十日貴

人女有死不得子者色黑為大水舟船事有水令 巫

咸曰客星出東井而守之宮中大起大人為亂王者以

舟船為急河海溢土功並起人無食白衣有自立者其

國破期三年 焦延壽曰客星入越大臣多斬者

### 客星犯輿鬼二

甘氏曰客星犯輿鬼國有非次自立者必敗亡 石氏

曰有星入輿鬼有詛盟鬼神祠祀之事於國內

南官侯曰於國

外 夏氏曰客星入天尸帝王亡天下多病 郝萌曰

客星入天尸民多死一曰有大喪 客星入輿鬼人相

食 他星入輿鬼鈇鑕用大臣誅 客星入天尸金玉

府中三日一環之有赦 陳卓曰有星入輿鬼有軍若

大人憂 百二十占曰他星入輿鬼有祀事於國內出

鬼有祀事於國外 巫咸曰客星出輿鬼其國有喪出

南為人君出北為女主左為太子右為庶子若守四星  
隨其所犯發之期不出三年 荊州曰客星入輿鬼留  
三十日以上天下金玉用易錢 黃帝曰客星守輿鬼  
人君有大憂一曰貴人有大憂 孝經章句曰客星守  
輿鬼在中央主喪亡棺木貴倍其價 石氏曰客星  
守輿鬼秦有姦臣欲危其主 甘氏曰客星守輿鬼五  
十日不去國有大喪兵大起將軍戰於野多有死者期  
不出一年 巫咸曰客星守輿鬼南男子多死守北女

子多死守西長老貴人多死守東北一星棺木貴鐵器  
魚鹽太貴皆三倍 邾萌曰客星守輿鬼馬貴一曰牛

貴又曰多土功事皆變易更政男子不得耕女子不得

織 荊州曰客星守輿鬼東北星棺木貴守東南星五

穀貴守西南星金錢貴守西北星鐵器魚鹽百倍 玉

歷曰客星守輿鬼秦有疾 南官候曰客星守輿鬼入

鉄鑽有兵罷 客星守輿鬼陣兵不戰 黃帝曰客星

出若守輿鬼西若從西入輿鬼老人死出若守東若從

子不得織 荊州曰客星守東井貴人有疾者 玉歷

曰客星守東井左右秦以饑相有罪咎齊以聞梁有火

災 西官候曰客星守東井色赤宮中憂留二十日貴

人女有死不得子者色黑為大水舟船事有水令 巫

咸曰客星出東井而守之宮中火起大人為亂王者以

舟船為急河海溢土功並起人無食白衣有自立者其

國破期三年 焦延壽曰客星入越大臣多斬者

### 客星犯輿鬼二

甘氏曰客星犯輿鬼國有非次自立者必敗亡 石氏

曰有星入輿鬼有詛盟鬼神祠祀之事於國內

南官侯曰於國

外 夏氏曰客星入天尸帝王亡天下多病 郝萌曰

客星入天尸民多死一曰有大喪 客星入輿鬼人相

食 他星入輿鬼鈇鑕用大臣誅 客星入天尸金玉

府中三日一環之有赦 陳卓曰有星入輿鬼有軍若

大人憂 百二十占曰他星入輿鬼有祀事於國內出

鬼有祀事於國外 巫咸曰客星出輿鬼其國有喪出



南為人君出北為女主左為太子右為庶子若守四星  
隨其所犯發之期不出三年 荊州曰客星入輿鬼留  
三十日以上天下金玉用易錢 黃帝曰客星守輿鬼  
人君有大憂一曰貴人有大憂 孝經章句曰客星守  
輿鬼在其中央主喪亡棺木貴倍其價 石氏曰客星  
守輿鬼秦有姦臣欲危其主 甘氏曰客星守輿鬼五  
十日不去國有大喪兵大起將軍戰於野多有死者期  
不出一年 巫咸曰客星守輿鬼南男子多死守北女

子多死守西長老貴人多死守東北一星棺木貴鐵器  
魚鹽太貴皆三倍 邾萌曰客星守輿鬼馬貴一曰牛  
貴又曰多土功事皆變易更政男子不得耕女子不得  
織 荊州曰客星守輿鬼東北星棺木貴守東南星五  
穀貴守西南星金錢貴守西北星鐵器魚鹽百倍 玉  
歷曰客星守輿鬼秦有疾 南官侯曰客星守輿鬼入  
鈇鑕有兵罷 客星守輿鬼陣兵不戰 黃帝曰客星  
出若守輿鬼西若從西入輿鬼老人死出若守東若從

東入丁少年死 黃帝曰客星出若守輿鬼南若從南  
入輿鬼男子死出若守北若從北入女子死 荊州曰  
客星干犯守輿鬼天下有大喪陽為君陰為后左為太  
子右為貴臣又隨所守主 關  
王者發之不出七十  
日

客星犯柳三

荊州曰客星干犯柳周國當之期九十日 黃帝曰客  
星入柳道路不通 郗萌曰客星入柳兵從澤起又曰

大師有喪色黃有喜 荊州曰客星入柳兵大起人大  
恐布帛綿絮貴 南官候曰客星入柳有兵發行色赤  
怒左右地大動 百二十占曰他星入柳名木有來入  
者 孝經章句曰蒼星出柳諸侯有死者 郝萌曰赤  
星出柳執法者遇賊 蒼星出柳殺邊諸侯 荊州曰  
客星出柳兵大起諸侯有死者其國當之一曰有大水  
人主遊船天下大饑人民流亡不出年遠二年 百二  
十占曰他星出柳名木有出者 郝萌曰客星出入柳

人多移徙又曰出入天相天子變更其令 柳中有奇

星臣蔽主明有北軍之恥 客星舍柳天下有大兵期

二月若五月 荊州曰客星經柳山林有不伐者 黃

帝曰客星守柳庫兵大發天下人為王者治道 孝經

章句曰客星守柳庫兵發諸侯有死者 郝萌曰客星

守柳南宮有變一曰牛貴又曰羌夷起變天下弓弩聚

荊州曰客星守柳天下絲麻羊貴 百二十占曰客

星守柳大人棄其糧 郝萌曰客星舍柳先得地後失

卷八十一  
之又曰犯守柳王者賜邊客

客星犯七星四

荊州曰客星干犯七星其國有大兵不出百八十日

石氏曰有星入七星有客以急事來使者出七星君使人以急事出者星色青言憂色赤言兵黃言土白言義黑皆使者凶 郊萌曰客星入七星有立太子者若有奇令又曰色青為疾白為喪 玉歷曰客星守七星布帛麻枲貴津梁絕 南官候曰客星守天都山水會河

東入丁少年死 黃帝曰客星出若守輿鬼南若從南  
入輿鬼男子死出若守北若從北入女子死 荊州曰  
客星干犯守輿鬼天下有大喪陽為君陰為后左為太  
子右為貴臣又隨所守主 闕  
王者發之不出七十  
日

客星犯柳三

荊州曰客星干犯柳周國當之期九十日 黃帝曰客  
星入柳道路不通 郗萌曰客星入柳兵從澤起又曰

大師有喪色黃有喜 荊州曰客星入柳兵大起人大  
恐布帛綿絮貴 南官侯曰客星入柳有兵發行色赤  
怒左右地大動 百二十占曰他星入柳名木有來入  
者 孝經章句曰蒼星出柳諸侯有死者 郝萌曰赤  
星出柳執法者遇賊 蒼星出柳殺邊諸侯 荊州曰  
客星出柳兵大起諸侯有死者其國當之一曰有大水  
人主遊船天下大饑人民流亡不出年遠二年 百二  
十占曰他星出柳名木有出者 郝萌曰客星出入柳



人多移徙又曰出入天相天子變更其令 柳中有奇

星臣蔽主明有北軍之恥 客星舍柳天下有大兵期

二月若五月 荊州曰客星經柳山林有不伐者 黃

帝曰客星守柳庫兵大發天下人為王者治道 孝經

章句曰客星守柳庫兵發諸侯有死者 郝萌曰客星

守柳南宮有變一曰牛貴又曰羌夷起變天下弓弩聚

荊州曰客星守柳天下絲麻羊貴 百二十占曰客

星守柳大人棄其糧 郝萌曰客星舍柳先得地後失

之又曰犯守柳王者賜邊客

客星犯七星四

荊州曰客星干犯七星其國有大兵不出百八十日

石氏曰有星入七星有客以急事來使者出七星君使人以急事出者星色青言憂色赤言兵黃言土白言義  
黑皆使者凶 郝萌曰客星入七星有立太子者若有  
奇令又曰色青為疾白為喪 王歷曰客星守七星布  
帛麻象貴津梁絕 南官候曰客星守天都山水會河

水決水且至人流亡去其鄉 百二十占曰他星守柳

天下變更 郝萌曰客星出入天都人多流亡一曰止

水溢又曰黑星結若就七星大人憂 司馬彪天文志

曰客星居七星為死喪 郝萌曰客星舍七星留不去

左右宮中以火為憂

一本云國家喜天  
雨五穀在宮中也

郝萌曰客

星舍天都五穀不成 黃帝曰客星守七星三十日天

下變更水大出道路不通 石氏曰客星守七星周有

大賢 郝萌曰客星守七星三十日天子憂廷中有賊

必易政一曰有德令又曰其國顯一曰必有客事有土  
功菽麻不收若小豆貴一曰馬貴一曰鹽貴 客星守  
七星天子必易政一曰兵大起又曰道路多水潦又曰  
溝渠道路不通一曰水大出 荊州曰客星守七星三  
十日河水決人去其鄉 石氏曰客星出七星而守之  
甘氏曰守三十日 族欲自立王者不親其子 客星若不時去  
人主有憂大臣有誅期不出年

客星犯張五

孝經章句曰黃星出張中君且獵黑星就之君死 石  
氏曰有星入張有賜客之事出張軍使賜諸侯 又曰  
入張國治宗廟期二十日國有憂男子有急 巫咸曰  
客星入張人遷徙天下變更令糴貴 郗萌曰客星入  
張諸侯有來賜吾君近臣者出張賜諸臣 荊州曰客  
星入張政急人民苦死邊 春秋圖曰客星出張白衣  
同姓有自立者天下更令有徙人若使人於諸侯 郗  
萌曰客星出入張兵起期百八十日一曰天子改政令

客星舍張留不去前將軍謀有陰兵起 黃帝曰客

星守張天下人遠去一曰人有千里之行 孝經章句

曰客星守張在其中糴石三百遊在其旁石百有急令

石氏曰客星守張楚周有隱士 海中占客星守張

不去滿三十日有亡國死亡臣殺其主小人謀貴禍及

嗣子期三年 郝萌曰客星守張小人有欺君者禍及

嗣子 又曰先起兵者利後起兵者不利一曰食中有

毒隣國有來獻食物者天子酒大出天子以為憂敗一

水決水且至人流亡去其鄉 百二十占曰他星守柳  
天下變更 郝萌曰客星出入天都人多流亡一曰止  
水溢又曰黑星結若就七星大人憂 司馬彪天文志  
曰客星居七星為死喪 郝萌曰客星舍七星留不去  
左右宮中以火為憂

一本云國家喜天  
雨五穀在宮中也

郝萌曰客

星舍天都五穀不成 黃帝曰客星守七星三十日天  
下變更水大出道路不通 石氏曰客星守七星周有  
大賢 郝萌曰客星守七星三十日天子憂廷中有賊

必易政一曰有德令又曰其國顯一曰必有客事有土  
功菽麻不收若小豆貴一曰馬貴一曰鹽貴 客星守  
七星天子必易政一曰兵大起又曰道路多水潦又曰  
溝渠道路不通一曰水大出 荊州曰客星守七星三  
十日河水決人去其鄉 石氏曰客星出七星而守之  
甘氏曰守三十日 族欲自立王者不親其子 客星若不時去  
人主有憂大臣有誅期不出年

客星犯張五



孝經章句曰黃星出張中君且獵黑星就之君死 石  
氏曰有星入張有賜客之事出張軍使賜諸侯 又曰  
入張國治宗廟期二十日國有憂男子有急 巫咸曰  
客星入張人遷徙天下變更令糴貴 郗萌曰客星入  
張諸侯有來賜吾君近臣者出張賜諸臣 荊州曰客  
星入張政急人民苦死邊 春秋圖曰客星出張白衣  
同姓有自立者天下更令有徙人若使人於諸侯 郗  
萌曰客星出入張兵起期百八十日一曰天子改政令

客星舍張留不去前將軍謀有陰兵起 黃帝曰客

星守張天下人遠去一曰人有千里之行 孝經章句

曰客星守張在其中糴石三百遊在其旁石百有急令

石氏曰客星守張楚周有隱士 海中占客星守張

不去滿三十日有亡國死亡臣殺其主小人謀貴禍及

嗣子期三年 郝萌曰客星守張小人有欺君者禍及

嗣子 又曰先起兵者利後起兵者不利一曰食中有

毒隣國有來獻食物者天子酒大出天子以為憂敗一

曰客有憂又曰弓太貴一曰糴太貴一曰粟貴一曰人  
憂食國大饑 王厯曰客星守張邑多變在外 南官  
候曰客星守張五穀貴有賜之事 甘氏曰客星出張  
若守之白衣同姓自立者 郝萌曰客星入若守張有  
亡國死王又曰相憂一曰相大疾 陳卓曰客星犯守  
張天子以酒為憂

客星犯翼六

荊州占曰客星干犯翼國有用兵大臣有憂遠百八十

日 孝經章句曰蒼星出翼五穀風彫 石氏曰有星  
出翼使人於負海之國有星入翼負海客有來使者皆  
以鳥為幣色黃白無故青道病黑死不至 巫咸曰客  
星出翼將軍謀反兵大起必有戰邊有大急同姓諸侯  
有自立者若大水五穀傷人民饑去其鄉期三年 百  
二十占曰他星出翼倍海國有受賜者 郝萌曰客星  
出入翼多風雨河決水且至道路不通一曰五穀不成  
人多流亡 孝經章句曰客星守翼人多流亡水且至

道塗不通兵大起 石氏曰客星守翼君弱臣強四夷  
王 郗萌曰客星守翼將軍謀反兵大起 一曰國更其  
服又曰有大令若邊有大急 一曰有一國之戰 一曰名  
山有崩者 一曰五穀雨傷 一曰歲大風大水 一曰有大  
令 荊州曰客星守翼歲大饑 南官侯曰客星守翼  
有自立者同姓王侯必有權臣 客星明大守翼大水  
江河決溢道路不通魚龍遊於陸道 客星守翼羽毛  
旗幟貴

客星犯軫七

海中占客星干犯軫近期百八十日遠期一年 黃帝  
曰赤星入軫輕車入出軫輕車出 石氏曰有星入軫  
諸侯有來使者以車為幣出軫君使人之諸侯皆車為  
幣 郗萌曰客星入軫有土功若五穀大貴 百二十  
占曰他星入軫有使者以車為幣貴人多繫者一曰無  
處車繫馬或曰野無車馬 文耀鉤曰客星出軫若有  
白衣自立者大國多害若有喪兵革起天下有逃主近

曰客有憂又曰弓大貴一曰糴大貴一曰粟貴一曰人  
憂食國大饑 王厯曰客星守張邑多變在外 南官  
候曰客星守張五穀貴有賜之事 甘氏曰客星出張  
若守之白衣同姓自立者 郝萌曰客星入若守張有  
亡國死王又曰相憂一曰相大疾 陳卓曰客星犯守  
張天子以酒為憂

客星犯翼六

荊州占曰客星干犯翼國有用兵大臣有憂遠百八十

日 孝經章句曰蒼星出翼五穀風彫 石氏曰有星  
出翼使人於負海之國有星入翼負海客有來使者皆  
以鳥為幣色黃白無故青道病黑死不至 巫咸曰客  
星出翼將軍謀反兵大起必有戰邊有大急同姓諸侯  
有自立者若大水五穀傷人民饑去其鄉期三年 百  
二十占曰他星出翼倍海國有受賜者 郝萌曰客星  
出入翼多風雨河決水且至道路不通一曰五穀不成  
人多流亡 孝經章句曰客星守翼人多流亡水且至



道塗不通兵大起 石氏曰客星守翼君弱臣強四夷  
王 郗萌曰客星守翼將軍謀反兵大起一曰國更其  
服又曰有大令若邊有大急一曰有一國之戰一曰名  
山有崩者一曰五穀雨傷一曰歲大風大水一曰有大  
令 荊州曰客星守翼歲大饑 南官侯曰客星守翼  
有自立者同姓王侯必有權臣 客星明大守翼大水  
江河決溢道路不通魚龍遊於陸道 客星守翼羽毛  
旗幟貴

客星犯軫七

海中占客星干犯軫近期百八十日遠期一年 黃帝  
曰赤星入軫輕車入出軫輕車出 石氏曰有星入軫  
諸侯有來使者以車為幣出軫君使人之諸侯皆車為  
幣 郗萌曰客星入軫有土功若五穀大貴 百二十  
占曰他星入軫有使者以車為幣貴人多繫者一曰無  
處車繫馬或曰野無車馬 文耀鉤曰客星出軫若有  
白衣自立者大國多害若有喪兵革起天下有逃主近

期不出一年遠三年 荊州曰赤星出軫軍出 百二十占曰他星出軫有使者以車馬為幣以冬三月視軫中 黃帝曰赤星守軫車馬有急行 客星守軫車馬貴 石氏曰客星守軫川谷不通而車貴 一曰守軫轄若長沙車官使有憂 甘氏曰客星守軫國有自立者大國多害 却萌曰有星守軫為車事 客星守軫兵大起邊境尤甚 一曰名山有崩者 一曰若白黃有外憂蒼為臣 一曰赤黃外憂黑蒼讒臣 一曰有土功之事

一曰五穀大貴 石氏曰客星犯守軫天下有山崩若  
水溢出之地中 郝萌曰客星入長沙天下無處士一  
曰天下有逃王一曰兵盡散出之

唐開元占經卷八十一

欽定四庫全書

唐開元占經卷八十二

唐 瞿曇悉達 撰

客星占六

客星犯石氏中官上

客星犯攝提一

郝萌曰客星入攝提座謀臣在側聖人受制 郝萌曰

客星當攝提口將受主倖不為主用 郝萌曰客星舍

攝提角不去國家有喜一曰天下必有開倉者 河圖  
聖洽符曰客星出攝提若守之天下大亂人君自將兵  
君臣謀兵起宮中不出其年

客星犯大角二

甘氏曰客星出大角大兵起天下亂若守之二十日以  
上王者惡之國易政期三年 海中占曰客星出入大  
角天下亂兵大起臣謀其主不則天下出水入城鄭然  
人民期百日

郊萌曰期三十日

郊萌曰客星入中大角天角

期不出一年遠三年 荊州曰赤星出軫軍出 百二十占曰他星出軫有使者以車馬為幣以冬三月視軫中 黃帝曰赤星守軫車馬有急行 客星守軫車馬貴 石氏曰客星守軫川谷不通而車貴 一曰守軫轄若長沙車官使有憂 甘氏曰客星守軫國有自立者大國多害 却萌曰有星守軫為車事 客星守軫兵大起邊境尤甚 一曰名山有崩者 一曰若白黃有外憂蒼為臣 一曰赤黃外憂黑蒼讒臣 一曰有土功之事

一曰五穀大貴 石氏曰客星犯守軫天下有山崩若  
水溢出之地中 郝萌曰客星入長沙天下無處士一  
曰天下有逃王一曰兵盡散出之

唐開元占經卷八十一



欽定四庫全書

唐開元占經卷八十二

唐 瞿曇悉達 撰

客星占六

客星犯石氏中官上

客星犯攝提一

郝萌曰客星入攝提座謀臣在側聖人受制 郝萌曰

客星當攝提口將受主休不為主用 郝萌曰客星舍

攝提角不去國家有喜一曰天下必有開倉者 河圖  
聖洽符曰客星出攝提若守之天下大亂人君自將兵  
君臣謀兵起宮中不出其年

客星犯大角二

甘氏曰客星出大角大兵起天下亂若守之二十日以  
上王者惡之國易政期三年 海中占曰客星出入大  
角天下亂兵大起臣謀其主不則天下出水入城鄭然  
人民期百日 郊萌曰期三十日 郊萌曰客星入中大角天角

天子之席有奇令 郝萌曰客星舍抵大角留不去國  
家有大責 石氏曰他星守大角諸侯有謀上者 郝  
萌曰客星守大角天下有憂 郝萌曰客星守大角太  
子耗衰 郝萌曰客星入座謀臣在側聖人受制

客星犯梗河三

海中占曰客星干犯梗河天子慎邊四裔不靖 荊州  
占曰有星入天矛天下兵起 陳卓曰客星入梗河天  
下兵起 石氏曰黃白星出天矛天子用兵 玉曆曰

客星出梗河北兵為亂侵陵中國人主有憂期二年

按司

馬天文志曰孝明帝永平四年八月辛酉客星出梗河西北指貫索七十日去梗河為北兵至五年十一月北匈奴七千騎入五原塞又入雲中至原陽也

石氏曰黃白星走天矛正中

之有軍兵罷無軍天子有獻兵者星赤兵內起大將為亂蒼白將有疾黑將死三夜不去天子多戮者

石氏

曰客星舍梗河主在東之君人民相師長强者為虎狼小民為魚肉海中占曰客星舍梗河陰陽不和天下大風樹木皆倒

天官書曰客星守天矛若出之北兵大

動有喪 石氏曰客星出入若守梗河朔兵大起

客星犯招搖四

石氏曰客星干犯招搖朔兵大來不出一年 韓楊曰

客星入招搖南夷王且操奇物來降國者 黃帝占曰

客星出招搖朔兵來一曰夷狄勝若旱多風 石氏曰

客星出招搖兵革大起朔兵為亂若單于死期一年

黃帝曰客星當天庫天下兵革 石氏曰客星當天庫

將受主命不為主用 石氏曰客星走招搖北兵來 黃

帝曰客星居招搖間北兵起 郝萌曰客星舍勾奴星

按招搖無勾奴之名郝萌曰此當以招搖主北兵以入招搖占中國兼錄之也人面龍身留十

餘日不去占主內相賊國家兵起敵人來降 石氏曰

客星守招搖北主死其民亂 石氏曰客星守招搖蠻

夷君死民亂 班固天文志曰客星守招搖蠻夷有亂

客星犯彗五

陳卓曰客星干犯彗占單于大敗期二年 黃帝占

曰客星出彗彗敵兵大敗若有死王期二年 荊州占

天子之席有奇令 郝萌曰客星舍抵大角留不去國  
家有大責 石氏曰他星守大角諸侯有謀上者 郝  
萌曰客星守大角天下有憂 郝萌曰客星守大角太  
子耗衰 郝萌曰客星入座謀臣在側聖人受制

客星犯梗河三

海中占曰客星干犯梗河天子慎邊四裔不靖 荊州  
占曰有星入天矛天下兵起 陳卓曰客星入梗河天  
下兵起 石氏曰黃白星出天矛天子用兵 玉歷曰

客星出梗河北兵為亂侵陵中國人主有憂期二年

按司

馬天文志曰孝明帝永平四年八月辛酉客星出梗河西北指貫索七十日去梗河為北兵至五年十一月北匈奴七千騎入五原塞又入雲中至原陽也

石氏曰黃白星走天矛正中

之有軍兵罷無軍天子有獻兵者星赤兵內起大將為亂蒼白將有疾黑將死三夜不去天子多戮者

石氏

曰客星舍梗河主在東之君人民相師長强者為虎狼小民為魚肉海中占曰客星舍梗河陰陽不和天下大風樹木皆倒

天官書曰客星守天矛若出之北兵大



動有喪 石氏曰客星出入若守梗河朔兵大起

客星犯招搖四

石氏曰客星干犯招搖朔兵大來不出一年 韓楊曰

客星入招搖南夷王且操奇物來降國者 黃帝占曰

客星出招搖朔兵來一曰夷狄勝若旱多風 石氏曰

客星出招搖兵革大起朔兵為亂若單于死期一年

黃帝曰客星當天庫天下兵革 石氏曰客星當天庫

將受主命不為主用 石氏曰客星走招搖北兵來 黃

帝曰客星居招搖間北兵起 郝萌曰客星舍勾奴星

按招搖無勾奴之名郝萌曰此當以招人面龍身留十招主北兵以入招搖占中國兼錄之也

餘日不去占主內相賊國家兵起敵人來降 石氏曰

客星守招搖北主死其民亂 石氏曰客星守招搖蠻

夷君死民亂 班固天文志曰客星守招搖蠻夷有亂

客星犯玄戈五

陳卓曰客星干犯玄戈占單于大敗期二年 黃帝占

曰客星出玄戈敵兵大敗若有死王期二年 荊州占

曰客星守玄戈天子死 石氏曰客星守玄戈北兵來

客星犯天槍六

郝萌曰客星入天槍天下有饑兵 荊州占曰客星入  
天槍有大戰 石氏曰客星出天槍邊外有急機槍用  
有兵起大將出期一年

客星犯天槍七

石氏曰客星干犯天槍兵大起期二年 焦延壽曰有  
星入天槍大兵當起 玉歷曰客星出天槍兵大起下

謀上大人有戮者期二年

客星犯女牀八

石氏曰客星干犯女牀貴人暴誅期百八十日 郝萌

曰有星入女牀有異女來誤我王 荊州占曰客星入

女牀若動搖女有大行若天下女子有憂 甘氏曰客

星出女牀若守之強臣執政貴人有暴誅者期百八十

日 荊州占曰客星守女牀後宮女凶

客星犯七公九

河圖聖洽符曰客星出七公及守之將相有憂御臣受  
戮若議人有罪直言者凶 黃帝占曰客星守七公為  
饑民君不安

客星犯貫索十

石氏曰客星干犯貫索不有大赦必有大獄民叛篡弑  
君不過三年 石氏曰客星入貫索天下多死人 石  
氏曰他星入貫索二日有喪 荊州占曰黃星入貫索  
諸侯有以地坐法者 黃帝占曰有星出貫索中有赦

星大大赦星小小赦 荊州占曰客星出貫索其國亡

土邑 齊伯曰客星入貫索大臣有謀下有反者貴人

多下獄一曰守之十日有大赦期一年

按司馬彪天文志曰孝明皇帝

永平四年八月辛酉客星出梗河西北指貫索七十日去貫索貴人之牢陵鄉侯梁松怨望魑飛書誹謗朝廷下獄死妻子家屬徙九真也

客星犯天紀十一

黃帝占曰客星入天紀有拘主 黃帝占曰客星入天

紀諸侯舉兵國政亂 甄耀度曰客星出天紀大臣執

曰客星守玄戈天子死 石氏曰客星守玄戈北兵來

客星犯天槍六

郝萌曰客星入天槍天下有饑兵 荊州占曰客星入  
天槍有大戰 石氏曰客星出天槍邊外有急機槍用  
有兵起大將出期一年

客星犯天槍七

石氏曰客星干犯天槍兵大起期二年 焦延壽曰有  
星入天槍大兵當起 玉厯曰客星出天槍兵大起下

謀上大人有戮者期二年

客星犯女牀八

石氏曰客星干犯女牀貴人暴誅期百八十日 郝萌

曰有星入女牀有異女來誤我王 荊州占曰客星入

女牀若動搖女有大行若天下女子有憂 甘氏曰客

星出女牀若守之強臣執政貴人有暴誅者期百八十

日 荊州占曰客星守女牀後宮女凶

客星犯七公九



河圖聖洽符曰客星出七公及守之將相有憂御臣受戮若議人有罪直言者凶 黃帝占曰客星守七公為饑民君不安

客星犯貫索十

石氏曰客星千犯貫索不有大赦必有大獄民叛篡弑君不過三年 石氏曰客星入貫索天下多死人 石氏曰他星入貫索二日有喪 荊州占曰黃星入貫索諸侯有以地坐法者 黃帝占曰有星出貫索中有赦

星大大赦星小小赦 荊州占曰客星出貫索其國亡

土邑 齊伯曰客星入貫索大臣有謀下有反者貴人

多下獄一曰守之十日有大赦期一年

按司馬彪天文志曰孝明皇帝

永平四年八月辛酉客星出梗河西北指貫索七十日去貫索貴人之牢陵鄉侯梁松怨望懸飛書誹謗朝廷下獄死妻子家屬徙九真也

### 客星犯天紀十一

黃帝占曰客星入天紀有拘主 黃帝占曰客星入天

紀諸侯舉兵國政亂 甄耀度曰客星出天紀大臣執

權兵宮中人主有憂若強臣相戮期不出二年 却萌  
曰客星行紀星有饑民君不安 石氏曰他星守紀星  
君不安有饑民

客星犯織女十二

石氏曰客星犯織女天子女誅死 陳卓曰客星干犯  
織女后族為亂貴女有誅者期三年 却萌曰客星入  
織女為旱 却萌曰客星入織女貫索須女者皆等須  
女主帛絮貫索主麻縷織女主布帛及五綵皆貴各守

其價十日一倍二十日再倍三十日三倍皆以四時  
相執守南南方貴守北北方貴守西西方貴守東東方  
貴守中中貴所守其國皆貴其餘星皆倣此 荊州占  
曰奇星入織女有兵十年乃解一曰人主攻一家一國  
若族之 石氏曰赤星入織女主攻一國殘之又曰接  
客來黃星入女子受地者黑星入淫婦憂青星入以憂  
來者 石氏曰客星入織女有女使者若中守乘犯之  
女君誅若有婦女之事 石氏曰黑星出織女女子多

懷子死 海中占曰客星出織女若入之后族為亂若  
誅臣一曰貴女有誅者各以五色占白為喪赤為兵黑  
為水黃為旱青為饑 荊州占曰客星出織女宮人逃

一書曰  
青星

黃帝占曰客星出入織女絲絮布帛貴在後

年 石氏曰客星出入

却萌  
曰守

織女有誅臣降王

却萌

曰客星在織女下兵起必戰不出十日

却萌曰客星

舍織女後宮有以藥死者

石氏曰他星守織女女有

憂若有嫁娶之事

石氏曰他星守織女乍出乍入前

後左右回惑其色色青為饑赤為兵黃為旱白為喪黑  
為水 郝萌曰客星守織女山搖地動若牛疾 荊州  
占曰客星守織女有女子使來者色青憂以來亦有奇  
客來黃白宮女有喜

客星犯天市垣十三

文曜鉤曰客星入天市垣兵大起斧鉞用大臣當有斬  
者近期一年遠期三年 石氏曰客星入天市垣色黑  
市使死 石氏曰客星入天市黃白市使憂黑死以日

權兵宮中人主有憂若強臣相戮期不出二年 却萌  
曰客星行紀星有饑民君不安 石氏曰他星守紀星  
君不安有饑民

客星犯織女十二

石氏曰客星犯織女天子女誅死 陳卓曰客星干犯  
織女后族為亂貴女有誅者期三年 却萌曰客星入  
織女為旱 却萌曰客星入織女貫索須女者皆等須  
女主帛絮貫索主麻縷織女主布帛及五綵皆貴各守

其價十日一倍二十日再倍三十日三倍皆以四時  
相執守南南方貴守北北方貴守西西方貴守東東方  
貴守中中貴所守其國皆貴其餘星皆倣此 荊州占  
曰奇星入織女有兵十年乃解一曰人主攻一家一國  
若族之 石氏曰赤星入織女主攻一國殘之又曰接  
客來黃星入女子受地者黑星入淫婦憂青星入以憂  
來者 石氏曰客星入織女有女使者若中守乘犯之  
女君誅若有婦女之事 石氏曰黑星出織女女子多



懷子死 海中占曰客星出織女若入之后族為亂若  
誅臣一曰貴女有誅者各以五色占白為喪赤為兵黑  
為水黃為旱青為饑 荊州占曰客星出織女宮人逃

一書曰  
青星

黃帝占曰客星出入織女絲絮布帛貴在後

年 石氏曰客星出入

却萌  
曰守

織女有誅臣降王

却萌

曰客星在織女下兵起必戰不出十日

却萌曰客星

舍織女後宮有以藥死者

石氏曰他星守織女女有

憂若有嫁娶之事

石氏曰他星守織女乍出乍入前

後左右回惑其色色青為饑赤為兵黃為旱白為喪黑  
為水 郝萌曰客星守織女山搖地動若牛疾 荊州  
占曰客星守織女有女子使來者色青憂以來亦有奇  
客來黃白宮女有喜

客星犯天市垣十三

文曜鉤曰客星入天市垣兵大起斧鉞用大臣當有斬  
者近期一年遠期三年 石氏曰客星入天市垣色黑  
市使死 石氏曰客星入天市黃白市使憂黑死以日

占何國 石氏曰客星入天市聚者皆起 或不得耕

食大兵橫流期三年 石氏曰客星入天市大臣誅有

戮卿一曰有戮王皆期一年遠三年

按班固天文志曰孝宣地節元年七

月癸酉客星入天市芒炎東南指其色白是時楚王延壽謀逆自殺地節二年故將軍翟告夫人顯將軍霍禹范明友奉車霍山及諸昆弟嬪婚為侍中諸曹九卿郡守皆謀反夷族伏其辜也

郝萌曰客

星入市中兵犯外城 郝萌曰客星入天市中糴石三

百居市門者石五百五十亦曰遊市旁者石百 郝萌

曰赤星入天市棄市滿天下 郝萌曰黃白星入天市

嗇夫不遷即賜 却萌曰客星遁或若填星所發入市

中而出外死罪復生 却萌曰赤星長尋集天市中有

兵 却萌曰青黑星出天市嗇夫不死即免 司馬彪

天文志曰孝靈中平五年六月丁卯客星如三升椀出

貫索西南南行入天市至尾占曰為貴人喪明年四月

宮車晏駕 謝承後漢書曰吳郡周敞師事京房房為

石顯所譖繫獄謂敞曰吾死後三十日客星必出天市

即吾無辜也後果如言敞上書陳其枉 荊州占曰客

星出入天市旗兵大起大將斬 玄冥曰客星出天市

執令者死大臣誅有貴人多市死者期二年 郝萌曰

客星入若守天市執令者死 郝萌曰太白星入若守

天市天下亂 郝萌曰太白星入若守天市度量不平

市亂

客星犯帝座十四

石氏曰客星干犯帝座人民大亂官朝徙大臣期三年

荊州占曰客星入帝座留不去則有貴人變更令

荊州占曰赤星入帝座朝廷有兵 河圖帝覽嬉曰客星出帝座若守之不去則有貴人變更法令大臣為亂人主不安

客星犯天候十五

荊州占曰客星入天候星士卒罷人有急行 石氏曰客星出候星天下亂人民相攻士卒出有急行 石氏曰客星守候星候者憂 石氏曰客星守候星外客欲為主也 荊州占曰客星守候星天下大亂

占何國 石氏曰客星入天市聚者皆起 或不得耕

食大兵橫流期三年 石氏曰客星入天市大臣誅有

戮卿一曰有戮王皆期一年遠三年

按班固天文志曰孝宣地節元年七

月癸酉客星入天市芒炎東南指其色白是時楚王延壽謀逆自殺地節二年故將軍翟告夫人顯將軍霍禹范明友奉車霍山及諸昆弟嬪婚為侍中諸曹九卿郡守皆謀反夷族伏其辜也

郝萌曰客

星入市中兵犯外城 郝萌曰客星入天市中糴石三

百居市門者石五百五十亦曰遊市旁者石百 郝萌

曰赤星入天市棄市滿天下 郝萌曰黃白星入天市

嗇夫不遷即賜 郝萌曰客星遁或若填星所發入市

中而出外死罪復生 郝萌曰赤星長尋集天市中有

兵 郝萌曰青黑星出天市嗇夫不死即免 司馬彪

天文志曰孝靈中平五年六月丁卯客星如三升椀出

貫索西南南行入天市至尾占曰為貴人喪明年四月

宮車晏駕 謝承後漢書曰吳郡周敞師事京房房為

石顯所譖繫獄謂敞曰吾死後三十日客星必出天市

即吾無辜也後果如言敞上書陳其枉 荊州占曰客



星出入天市旗兵大起大將斬 玄冥曰客星出天市

執令者死大臣誅有貴人多市死者期二年 郝萌曰

客星入若守天市執令者死 郝萌曰太白星入若守

天市天下亂 郝萌曰太白星入若守天市度量不平

市亂

### 客星犯帝座十四

石氏曰客星干犯帝座人民大亂官朝徙大臣期三年

荊州占曰客星入帝座留不去則有貴人變更令

荊州占曰赤星入帝座朝廷有兵 河圖帝覽嬉曰客星出帝座若守之不去則有貴人變更法令大臣為亂人主不安

客星犯天候十五

荊州占曰客星入天候星士卒罷人有急行 石氏曰客星出候星天下亂人民相攻士卒出有急行 石氏曰客星守候星候者憂 石氏曰客星守候星外客欲為主也 荊州占曰客星守候星天下大亂

客星犯宦者十六

石氏曰客星干犯宦者宦者滅亡 郝萌曰客星舍宦

者星左右貴人有不長者 王厯曰客星出守宦者星  
左右貴人有不廢者不能守其貴一曰有讓位者

客星犯宗人十七

河圖聖洽符曰客星出宗人帝族親多死者一曰王者  
不親宗族 郝萌曰客星舍宗人留不去有貴人死者

客星犯宗正十八

荆州占曰客星守宗正更號令 甘氏曰客星出宗正  
守之不去左右宗族羣臣多死不出其年

客星犯宗星十九

聖治符曰客星出宗星帝族親多死者一曰王者不親  
宗族 石氏曰客星守宗星宗人不和

客星犯東西咸二十

齊伯曰客星出東西咸女主自恣若淫佚一曰貴人女  
有憂若有黜者不出其年 荆州占曰客星守東西咸

人主淫佚失道

客星犯天江二十一

黃帝占曰客星入天江河津關絕道不通一曰河津吏有憂甄曜度曰客星出天江有大水河海溢津關塞民多饑陳卓曰客星干歷天江大兵攻王國王者以赦除之則國豐年黃帝占曰客星守天江星一曰河津吏有憂

客星犯建星二十二

陳卓曰客星干犯建星王失道忠言者誅賢士逃亡

海中占曰客星入建星

郝萌曰守

有意福穀大熟

郝萌曰

客星入建星君不親其大臣

郝萌曰赤星入建星人

主謀兵兵罷出建星軍乃戰

郝萌曰赤星入建星津

河水大出橋梁不通

海中占曰客星出建星君不親

其大臣上下相疑主令不行

郝萌曰客星舍建星留

不去即有大兵馬大貴

郝萌曰客星守建星人民安

郝萌曰客星入守建星人臣自臨府事

玄冥曰客

客星犯宦者十六

石氏曰客星干犯宦者宦者滅亡 却萌曰客星舍宦者星左右貴人有不長者 玉厯曰客星出守宦者星左右貴人有不廢者不能守其貴一曰有讓位者

客星犯宗人十七

河圖聖洽符曰客星出宗人帝族親多死者一曰王者不親宗族 却萌曰客星舍宗人留不去有貴人死者客星犯宗正十八

荊州占曰客星守宗正更號令 甘氏曰客星出宗正  
守之不去左右宗族羣臣多死不出其年

客星犯宗星十九

聖治符曰客星出宗星帝族親多死者一曰王者不親  
宗族 石氏曰客星守宗星宗人不和

客星犯東西咸二十

齊伯曰客星出東西咸女主自恣若淫佚一曰貴人女  
有憂若有黜者不出其年 荊州占曰客星守東西咸



人主淫佚失道

客星犯天江二十一

黃帝占曰客星入天江河津關絕道不通一曰河津吏有憂 甄曜度曰客星出天江有大水河海溢津關塞民多饑 陳卓曰客星干歷天江大兵攻王國王者以赦除之則國豐年 黃帝占曰客星守天江星一曰津河吏有憂

客星犯建星二十二

陳卓曰客星干建星王失道忠言者誅賢士逃亡

海中占曰客星入建星

郝萌曰守

有意福穀大熟

郝萌曰

客星入建星君不親其大臣

郝萌曰赤星入建星人

主謀兵兵罷出建星軍乃戰

郝萌曰赤星入建星津

河水大出橋梁不通

海中占曰客星出建星君不親

其大臣上下相疑主令不行

郝萌曰客星舍建星留

不去即有大兵馬大貴

郝萌曰客星守建星人民安

郝萌曰客星入守建星人臣自臨府事

玄冥曰客

星中而守之天下道塞多有盜賊關梁不通期二年

客星犯天弁二十三

文曜鈞曰客星出天弁若守之有囚徒兵起一曰五穀傷大貴

客星犯河鼓二十四

黃帝占曰客星入河鼓色赤有兵黃則天下安蒼則不用  
郗萌曰有星入河鼓有兵三軍出之野 郗萌曰

大星入河鼓有兵三將軍出 郗萌曰大星入河鼓天

下鼓出 却萌曰大赤星入河鼓星大將驚蒼黑憂黃  
更地黑入之死 荊州占曰客星入河鼓兵吏驚 黃  
帝占曰客星出河鼓兵出入河鼓兵入 巫咸曰客星  
出河鼓旗鼓大用有兵起將軍立旗幟一曰穀貴軍絕  
糧不出其年 石氏曰大赤星若出河鼓所守之國將  
驚若受令出 却萌曰客星舍河鼓中國有鐘鼓之音  
若立旗幟 石氏曰客星守河鼓三將軍食絕 却萌  
曰客星守河鼓將軍戰亡有奪鼓者 荊州占曰客星守

河鼓兵革起旗鼓用 黃帝占曰客星中犯乘守河鼓  
所中犯者誅若有罪

客星犯離珠二十五

荊州占曰客星犯離珠後宮凶 玉歷曰客星出離珠  
若守之後宮凶若宮人有罪誅者期二年

客星犯艮瓜二十六

石氏曰客星干犯艮瓜政亂近臣相譖宮有戮死者以  
赦除咎 黃帝占曰客星入艮瓜有大憂若魚鹽價十

倍 石氏曰客星色青入匏瓜諸侯有來獻果者中有藥不可食 石氏曰客星色赤入匏瓜人主攻一邑族之 石氏曰客星色白入匏瓜有喪 石氏曰有星色黑入匏瓜中若外皆為魚鹽責出匏瓜君使人賜諸侯果 黃帝占曰客星色赤出匏瓜天下有遊兵而不戰 黃帝占曰客星白一本白也出匏瓜君使人遺諸侯果 甘氏曰客星出匏瓜人主憂備毒藥若諸侯獻果中有藥不可食防備之若食憂期三年 黃帝占曰有星

星中而守之天下道塞多有盜賊關梁不通期二年

客星犯天弁二十三

文曜鈞曰客星出天弁若守之有囚徒兵起一曰五穀傷大貴

客星犯河鼓二十四

黃帝占曰客星入河鼓色赤有兵黃則天下安蒼則不用  
郗萌曰有星入河鼓有兵三軍出之野 郗萌曰

大星入河鼓有兵三將軍出 郗萌曰大星入河鼓天

下鼓出 却萌曰大赤星入河鼓星大將驚蒼黑憂黃  
更地黑入之死 荊州占曰客星入河鼓兵吏驚 黃  
帝占曰客星出河鼓兵出入河鼓兵入 巫咸曰客星  
出河鼓旗鼓大用有兵起將軍立旗幟一曰穀貴軍絕  
糧不出其年 石氏曰大赤星若出河鼓所守之國將  
驚若受令出 却萌曰客星舍河鼓中國有鐘鼓之音  
若立旗幟 石氏曰客星守河鼓三將軍食絕 却萌  
曰客星守河鼓將軍戰亡有奪鼓者 荊州占曰客星守



河鼓兵革起旗鼓用 黃帝占曰客星中犯乘守河鼓  
所中犯者誅若有罪

客星犯離珠二十五

荊州占曰客星犯離珠後宮凶 玉歷曰客星出離珠  
若守之後宮凶若宮人有罪誅者期二年

客星犯艮瓜二十六

石氏曰客星干犯艮瓜政亂近臣相譖宮有戮死者以  
赦除咎 黃帝占曰客星入艮瓜有大憂若魚鹽價十

倍 石氏曰客星色青入匏瓜諸侯有來獻果者中有藥不可食 石氏曰客星色赤入匏瓜人主攻一邑族之 石氏曰客星色白入匏瓜有喪 石氏曰有星色黑入匏瓜中若外皆為魚鹽責出匏瓜君使人賜諸侯果 黃帝占曰客星色赤出匏瓜天下有遊兵而不戰 黃帝占曰客星白一本白色青也出匏瓜君使人遺諸侯果 甘氏曰客星出匏瓜人主憂備毒藥若諸侯獻果中有藥不可食防備之若食憂期三年 黃帝占曰有星

出入匏瓜若在其下皆為食官有憂 黃帝占曰客星守匏瓜山搖 黃帝占曰有星守匏瓜有食有憂 石氏曰客星守匏瓜山谷多水 黃帝占曰客星入若守匏瓜備奸人獻食物有毒藥也

客星犯天津二十七

石氏曰客星干犯天津賊斷王道 黃帝占曰客星入天津中若守之津河道不通 聖洽符曰客星出天津天下關絕不通若津吏有憂罪者 郗萌曰客星入天

津諸侯不通天下備道修橋梁 郝萌曰客星入河中  
貴人有溺死者 郝萌曰客星守天津水道不通若船  
貴一曰津河吏有憂 荊州占曰客星守天津津不可  
渡 石氏曰他星守犯天津津河為敗

客星犯螣蛇二十八

荊州占曰客星守螣蛇水雨為災 石氏曰他星守犯  
螣蛇水物不成水蟲為敗

客星犯王良二十九

郝萌曰客星入王良將士皆亡 甄曜度曰客星出王  
良天下有急關津不通兵起若馬多死期二年 石氏  
曰客星守王良津河不通 郝萌曰客星守王良天下  
有急馬大動一曰疾病 郝萌曰赤星守王良兵起一  
曰守王良天下大水橋梁不通 海中占曰客星入王  
良而守之天下兵起車騎行人主憂將軍有死者期三  
年

客星犯閭道三十

陳卓曰客星干犯閭道王者居正殿不私行則災自消  
玄冥曰客星出閭道有驚戒之事若道中有伏兵人  
主備左右慎女兵

客星犯附路三十一

陳卓曰客星干犯附路道不通天下半隔期一年焦  
延壽曰有星入附路兵大起郝萌曰有星入附路馬  
賤巫咸曰客星出附路若守之太僕有憂若以馬罪  
一曰馬當賤期不出一年

出入匏瓜若在其下皆為食官有憂 黃帝占曰客星守匏瓜山搖 黃帝占曰有星守匏瓜有食有憂 石氏曰客星守匏瓜山谷多水 黃帝占曰客星入若守匏瓜備奸人獻食物有毒藥也

客星犯天津二十七

石氏曰客星干犯天津賊斷王道 黃帝占曰客星入天津中若守之津河道不通 聖洽符曰客星出天津天下關絕不通若津吏有憂罪者 郊萌曰客星入天

津諸侯不通天下備道修橋梁 却萌曰客星入河中  
貴人有溺死者 却萌曰客星守天津水道不通若船  
貴一曰津河吏有憂 荊州占曰客星守天津津不可  
渡 石氏曰他星守犯天津津河為敗

客星犯螣蛇二十八

荊州占曰客星守螣蛇水雨為災 石氏曰他星守犯  
螣蛇水物不成水蟲為敗

客星犯王良二十九



郝萌曰客星入王良將士皆亡 甄曜度曰客星出王  
良天下有急關津不通兵起若馬多死期二年 石氏  
曰客星守王良津河不通 郝萌曰客星守王良天下  
有急馬大動一曰疾病 郝萌曰赤星守王良兵起一  
曰守王良天下大水橋梁不通 海中占曰客星入王  
良而守之天下兵起車騎行人主憂將軍有死者期三  
年

客星犯閭道三十

陳卓曰客星干犯閭道王者居正殿不私行則災自消  
玄冥曰客星出閭道有驚戒之事若道中有伏兵人  
主備左右慎女兵

客星犯附路三十一

陳卓曰客星干犯附路道不通天下半隔期一年 焦  
延壽曰有星入附路兵大起 郝萌曰有星入附路馬  
賤 巫咸曰客星出附路若守之太僕有憂若以馬罪  
一曰馬當賤期不出一年

客星犯天將軍三十二

河圖帝覽嬉曰客星出將軍將軍有憂若黜者若軍吏不忠有過罪者 石氏曰有星守天將軍大將軍有憂一曰軍吏不安以饑為敗

客星犯大陵三十三

荊州占曰客星入大陵若守之君有大陵功之令 黃帝占曰客星出大陵有土功墳陵之事若犯積尸國有大喪人主當之期三年 石氏曰他星若入守大陵有

土功事

客星犯天船三十四

郝萌曰客星入天船水大至 石氏曰客星出天船天下大水舟船用若有船事期不出年 郝萌曰客星守天船有兵一曰王船有事不出一年

客星犯卷舌三十五

玉歷曰客星出卷舌若守之天下有妄言惑其君者君信讒臣罪無辜者

按班固天文志曰元帝二年五月客星見昴分居卷舌東可五尺青白色

炎長三寸其年十二月鉅鹿都尉謝君男詐為神人論  
死父免官 孟康注曰姓謝名君男兒也不紀其名直  
言男  
者也

### 客星犯五車三十六

石氏曰客星干犯五車兵滿野天下半傾百姓徙居去  
其土期三年 黃帝占曰客星入五車色黃人主受賀  
色白言義色赤言兵色青言憂色黑大人當之 海中  
占曰客星入五車所守土穀貴 郝萌曰客星入五車  
糴倍價一曰車倍價皆為後年 郝萌曰客星入五車

為赦 荊州占曰客星入五車人相食若大水溝瀆溢  
黃帝占曰有星出五車色白君使人諸侯以車為戒  
色黃受賀赤言兵車騎滿路色黑多死者以其日占期  
却萌曰客星出五車兵出入五車兵入 玄冥曰客  
星出五車天下兵起車騎滿野將相有憂五穀大貴人  
民饑期百八十日中一年遠三年 却萌曰客星出入  
五車以守五車可取者客星出入黃車取黃出入麥車  
取麥出入豆車取豆出入黍粟車取黍粟出入稻米車取

客星犯天將軍三十二

河圖帝覽嬉曰客星出將軍將軍有憂若黜者若軍吏不忠有過罪者石氏曰有星守天將軍大將軍有憂一曰軍吏不安以饑為敗

客星犯大陵三十三

荊州占曰客星入大陵若守之君有大陵功之令黃帝占曰客星出大陵有土功墳陵之事若犯積尸國有大喪人主當之期三年石氏曰他星若入守大陵有

土功事

客星犯天船三十四

郝萌曰客星入天船水大至 石氏曰客星出天船天

下大水舟船用若有船事期不出年 郝萌曰客星守

天船有兵一曰王船有事不出一年

客星犯卷舌三十五

玉歷曰客星出卷舌若守之天下有妄言惑其君者君

信讒臣罪無辜者

按班固天文志曰元帝二年五月客星見昴分居卷舌東可五尺青白色



炎長三寸其年十二月鉅鹿都尉謝君男詐為神人論  
死父免官 孟康注曰姓謝名君男兒也不紀其名直

言男  
者也

### 客星犯五車三十六

石氏曰客星干犯五車兵滿野天下半傾百姓徙居去  
其土期三年 黃帝占曰客星入五車色黃人主受賀

色白言義色赤言兵色青言憂色黑大人當之 海中

占曰客星入五車所守土穀貴 却萌曰客星入五車

糴倍價一曰車倍價皆為後年 却萌曰客星入五車

為赦 荊州占曰客星入五車人相食若大水溝瀆溢  
黃帝占曰有星出五車色白君使人諸侯以車為戒  
色黃受賀赤言兵車騎滿路色黑多死者以其日占期  
却萌曰客星出五車兵出入五車兵入 玄冥曰客  
星出五車天下兵起車騎滿野將相有憂五穀大貴人  
民饑期百八十日中一年遠三年 却萌曰客星出入  
五車以守五車可取者客星出入黃車取黃出入麥車  
取麥出入豆車取豆出入黍粟車取黍粟出入稻米車取

稻米出以其行為粟其出入中行石二百出入外行石百錢 黃帝占曰客星守五格休左者軍大發守休右留十日天下有喪大亂 郝萌曰客星守五車兵革起海中占曰客星入五車犯守之大人有憂車騎發用將軍出令國易政期三年

客星犯天關三十七

黃帝占曰客星入天關諸侯不通民多相攻且有兵子伐父弟伐兄是謂不理各去其鄉 郝萌曰客星入天

關民多疾病 郅萌曰有星入天關天下有急一曰關  
市不通 荊州占曰客星入天關多盜賊道路不通  
石氏曰他星入天關兵戰不勝 石氏曰客星出天關  
門天下起兵不戰 孝經章句曰客星守天關羊馬牛  
大貴不出三年有德令 荊州占曰客星守天關諸侯  
不通期十二日又曰民饑又有自賣者

客星犯南河界三十八

石氏曰客星出南河界有男喪事於外入南河界有男

喪事於內 石氏曰客星出南河有喪事於外皆為男

喪暈三重必有降城 一曰客星干犯兩界間天子出走

大臣執威王者以赦除咎羣臣尊負天子以寡 黃帝

占曰客星守南河界有水 荊州占曰客星守南河界

民多溫病 齊伯曰客星出南河若守之蠻夷兵道不

通 一曰入南河界為旱災天下大饑期二年 却萌曰

客星行南河界中若守之皆為旱 却萌曰客星入北

河界從東入九十日有兵從西入六十日有喪 却萌

曰客星他所來入北河界間諸侯有奸 甄曜度曰客  
星出北河朔兵動關道塞其國有憂一曰入北河為水  
饑期一年 黃帝占曰北河界多客星朔兵起 却萌  
曰北河界下多小星者民不治將不明多有失職 却  
萌曰客星若赤星守北河界臣賊主一曰大臣誅 荆  
州占曰客星守北河界后有乳疾 却萌曰客星見南  
北河界間奸人在中 帝覽嬉曰大客星居兩界間天  
下有難道在天門中邦家不通

稻米出以其行為粟其出入中行石二百出入外行石百錢 黃帝占曰客星守五格休左者軍大發守休右留十日天下有喪大亂 郝萌曰客星守五車兵革起海中占曰客星入五車犯守之大人有憂車騎發用將軍出令國易政期三年

客星犯天關三十七

黃帝占曰客星入天關諸侯不通民多相攻且有兵子伐父弟伐兄是謂不理各去其鄉 郝萌曰客星入天

關民多疾病 郅萌曰有星入天關天下有急一曰關  
市不通 荊州占曰客星入天關多盜賊道路不通  
石氏曰他星入天關兵戰不勝 石氏曰客星出天關  
門天下起兵不戰 孝經章句曰客星守天關羊馬牛  
大貴不出三年有德令 荊州占曰客星守天關諸侯  
不通期十二日又曰民饑又有自賣者

客星犯南河界三十八

石氏曰客星出南河界有男喪事於外入南河界有男



喪事於內 石氏曰客星出南河有喪事於外皆為男

喪暈三重必有降城一曰客星干犯兩界間天子出走

大臣執威王者以赦除咎羣臣尊負天子以寡 黃帝

占曰客星守南河界有水 荊州占曰客星守南河界

民多溫病 齊伯曰客星出南河若守之蠻夷兵道不

通一曰入南河界為旱災天下大饑期二年 却萌曰

客星行南河界中若守之皆為旱 却萌曰客星入北

河界從東入九十日有兵從西入六十日有喪 却萌

曰客星他所來入北河界間諸侯有奸 甄曜度曰客  
星出北河朔兵動關道塞其國有憂一曰入北河為水  
饑期一年 黃帝占曰北河界多客星朔兵起 却萌  
曰北河界下多小星者民不治將不明多有失職 却  
萌曰客星若赤星守北河界臣賊主一曰大臣誅 荆  
州占曰客星守北河界后有乳疾 却萌曰客星見南  
北河界間奸人在中 帝覽嬉曰大客星居兩界間天  
下有難道在天門中邦家不通

客星犯五諸侯三十九

石氏曰客星干犯五諸侯王室大亂兵起天子宗廟不  
祀海中占曰客星出五諸侯大臣有憂若執法者有  
罪一曰議臣有黜者 却萌曰客星守五諸侯天下大  
亂 却萌曰客星守五諸侯天子親屬失位大水行五  
穀大貴天下民多死於道旁者秦國尤甚 荊州占曰  
客星守五諸侯諸侯亡地一曰諸侯有憂秦國受重殃  
客星犯積水四十

石氏曰客星干犯積水兵起宮門宗廟毀絕大臣有憂  
巫咸曰客星出積水天下大水溝渠溢有攻隄防之  
事期不出年


客星犯積薪四十一

石氏曰客星干犯積薪有亂臣在宗廟 石氏曰客星  
出積薪有憂若以薪蒿之事而致罪者

客星犯水位四十二

石氏曰客星干犯水位水道不通伏兵在水中以水為

害 荊州占曰客星守水位而川流溢 玉歷曰客星  
出水位天下以水為令法官有憂若臣下有謀兵起期  
三年



唐開元占經卷八十二

客星犯五諸侯三十九

石氏曰客星干犯五諸侯王室大亂兵起天子宗廟不  
祀海中占曰客星出五諸侯大臣有憂若執法者有  
罪一曰議臣有黜者 却萌曰客星守五諸侯天下大  
亂 却萌曰客星守五諸侯天子親屬失位大水行五  
穀大貴天下民多死於道旁者秦國尤甚 荊州占曰  
客星守五諸侯諸侯亡地一曰諸侯有憂秦國受重殃  
客星犯積水四十

石氏曰客星干犯積水兵起宮門宗廟毀絕大臣有憂  
巫咸曰客星出積水天下大水溝渠溢有攻隄防之  
事期不出年

客星犯積薪四十一

石氏曰客星干犯積薪有亂臣在宗廟 石氏曰客星  
出積薪有憂若以薪蒿之事而致罪者


客星犯水位四十二

石氏曰客星干犯水位水道不通伏兵在水中以水為



害 荊州占曰客星守水位而川流溢 玉歷曰客星  
出水位天下以水為令法官有憂若臣下有謀兵起期

三年



唐開元占經卷八十二

欽定四庫全書

子部

唐開元占經卷八十三  
四

詳校官中書<sub>臣</sub>李杲

靈臺郎<sub>臣</sub>倪廷梅覆勘

總校官編修<sub>臣</sub>王燕緒

校對官中書<sub>臣</sub>王慶長

謄錄監生<sub>臣</sub>錢雋選

欽定四庫全書

唐開元占經卷八十三

唐 瞿曇悉達 撰

客星占七

客星犯石氏中官下

客星犯軒轅四十三

石氏曰客星干犯軒轅近者誅滅宗族王者以赦除咎

按司馬彪天文志曰孝明帝永平十四年正月戊子客星出昴六十日在軒轅右角稍滅軒轅右角為貴相昴為

獄事容星守之為大獄是時考楚事未竟  
司徒虞延與楚王英黨與交皆伏誅也

郝萌曰有

星入軒轅有遠來者 郝萌曰有星入東陵有夷從外

來降者 郝萌曰容星入軒轅有女子惑天子者 荆

州占曰容星入軒轅美人有經死者 焦延壽曰青黑

星出入軒轅皆為諸夫人有子不成 司馬彪天文志

曰容星出軒轅後宮失勢 郝萌曰容星舍軒轅之旁

美人有懸死者 荊州占曰容星守軒轅獄中有女子

飲藥死者 郝萌曰容星守軒轅女主不安一曰有憂

欽定四庫全書

唐開元占經卷八十三

唐 瞿曇悉達 撰

客星占七

客星犯石氏中官下

客星犯軒轅四十三

石氏曰客星干犯軒轅近者誅滅宗族王者以赦除咎

按司馬彪天文志曰孝明帝永平十四年正月戊子客星出昴六十日在軒轅右角稍滅軒轅右角為貴相昴為

獄事客星守之為大獄是時考楚事未竟  
司徒虞延與楚王英黨與交皆伏誅也

郗萌曰有

星入軒轅有遠來者 郗萌曰有星入東陵有夷從外

來降者 郗萌曰客星入軒轅有女子惑天子者 荆

州占曰客星入軒轅美人有經死者 焦延壽曰青黑

星出入軒轅皆為諸夫人有子不成 司馬彪天文志

曰客星出軒轅後宮失勢 郗萌曰客星舍軒轅之旁

美人有懸死者 荊州占曰客星守軒轅獄中有女子

飲藥死者 郗萌曰客星守軒轅女主不安一曰有憂

洛書甄曜度曰客星出軒轅若守之各隨其所守后

妃嬪夫人近者當之一曰守之三日美人有經者

按司馬彪

天文志曰孝和永元十三年十一月乙丑軒轅第四星間出客星色青黃軒轅為後宮星出之為失勢其十四年

六月辛卯陰皇后廢

石氏曰客星出軒轅若犯守之發五將之

兵 石氏曰他星守軒轅所起者有憂 齊伯曰客星

犯守軒轅大星女主逆天子若女主與傍人通宜防之

客星犯少微四十四

石氏曰客星干犯少微白衣聚者凶術士不顯智者逃



亡期三年 邾萌曰有星入少微奸臣亂 石氏曰客星出少微道術士用功者隨其能王者用之 邾萌曰客星守少微處士憂 黃帝占曰客星入中犯乘守少微宰相易又曰女主有憂 石氏曰客星入中犯乘守少微五官亂宰相有憂

客星犯太微四十五

邾萌曰客星中犯左右執法左右執法誅若有罪 黃帝占曰客星入端門出西門天下大水民人饑 石氏

曰客星入端門其國有臣謀 石氏曰客星入端門出

東門天下大旱五穀不成 甘氏曰客星入端門仍出

端門其國有大患天下大亂易主以色占出左掖門其

國有憂出東門其國旱出左掖門其國大亂出西門其

國大水 却萌曰有星入端門賊鈔主稱王命 石氏

曰客星入左掖門出右掖門其國有喪 石氏曰客星

入右掖門其國有客 石氏曰客星入左右門出東西

門國有大喪貴臣有死者 甘氏曰客星入太微右掖

門出端門小國亡出左掖門其國有小事出東門其國  
大亡仍出右掖門其國有客為刑事出西門大國以微  
亡 荊州占曰客星入左掖門出端門其國滅亡仍出  
左掖門其國大傷出東門其國大喪出右掖門其國大  
逆無道出西門其國流血百里 石氏曰客星入東西  
門出左右掖門其國有兵軍有出者幸臣有憂皆不出  
一年 甘氏曰客星入東門出端門其國有憂出左掖  
門其國所作不成仍出東門其國有臣結謀出右掖門

洛書甄曜度曰客星出軒轅若守之各隨其所守后

妃嬪夫人近者當之一曰守之三日美人有經者

按司馬彪

天文志曰孝和永元十三年十一月乙丑軒轅第四星間出客星色青黃軒轅為後宮星出之為失勢其十四年

六月辛卯陰皇后廢

石氏曰客星出軒轅若犯守之發五將之

兵 石氏曰他星守軒轅所起者有憂 齊伯曰客星

犯守軒轅大星女主逆天子若女主與傍人通宜防之

### 客星犯少微四十四

石氏曰客星干犯少微白衣聚者凶術士不顯智者逃

亡期三年 郝萌曰有星入少微奸臣亂 石氏曰客星出少微道術士用功者隨其能王者用之 郝萌曰客星守少微處士憂 黃帝占曰客星入中犯乘守少微宰相易又曰女主有憂 石氏曰客星入中犯乘守少微五官亂宰相有憂

客星犯太微四十五

郝萌曰客星中犯左右執法左右執法誅若有罪 黃帝占曰客星入端門出西門天下大水民人饑 石氏

曰客星入端門其國有臣謀 石氏曰客星入端門出

東門天下大旱五穀不成 甘氏曰客星入端門仍出

端門其國有大患天下大亂易主以色占出左掖門其

國有憂出東門其國旱出左掖門其國大亂出西門其

國大水 却萌曰有星入端門賊鈔主稱王命 石氏

曰客星入左掖門出右掖門其國有喪 石氏曰客星

入右掖門其國有客 石氏曰客星入左右門出東西

門國有大喪貴臣有死者 甘氏曰客星入太微右掖

門出端門小國亡出左掖門其國有小事出東門其國  
大亡仍出右掖門其國有客為刑事出西門大國以微  
亡 荊州占曰客星入左掖門出端門其國滅亡仍出  
左掖門其國大傷出東門其國大喪出右掖門其國大  
逆無道出西門其國流血百里 石氏曰客星入東西  
門出左右掖門其國有兵軍有出者幸臣有憂皆不出  
一年 甘氏曰客星入東門出端門其國有憂出左掖  
門其國所作不成仍出東門其國有臣結謀出右掖門

其國大亡出西門其國有殃 荊州占曰客星入東門

出東門其國有大喪 黃帝占曰客星入西門出東門

其邦兵起臣謀主入東門出西門大國微亡守之不去

楚國凶殃 甘氏曰客星入西門出端門其國大亂出

左掖門其國不為用出東門其國不祥出右掖門其國

大敗仍出西門其國有兵 郝萌曰客星入西門出端

門一書云出左掖門其國大不熟 郝萌曰客星入太微西門

出東門有憂喪 郝萌曰他星入太陰門後宮有賊



荊州占曰客星入太陰西門出太陰東門其國大水天

下大亂 荊州占曰他星入太陰門兵起動天下 荆

州占曰客星入西門出西門其國有兵謀 陳卓曰客

星入太微帝宗后族為亂亡社稷 河圖帝覽嬉曰

客星入太微廷中出端門天下大亂王者憂國易政期

三年 按河法盛中興書曰晉安帝元興元年十月有客星色白如粉絮出太微垣西至十二月入太微占

曰兵入天子庭二年十二月桓玄肆逆放帝后於尋陽 石氏曰他星入太微色

白而澤者赦 石氏曰客星入太微宮二旬若三旬有

小赦期六月 石氏曰他星入四輔臣為亂 海中占

曰客星入太微中火大起有客賊來入國守之十日不  
去其災成在陽為男主在陰為女主不出四十日 却

萌曰赤黃星狀如帚入太微婦女喜出太微天子賜諸

侯美女 却萌曰客星入天子宫丞相憂疾 却萌曰

客星入天子宫十日而成鈞已天下有大赦奴婢下賤

人妻妾長庸期三月若六月 荊州占曰客星入太微

宮中一旬宮中有自然者期四十日在陽為男在陰為

女陽黃座南也陰黃座北也入二旬有赦期六月 荆

州占曰青星入太微有客來 荊州占曰星正赤入太

微中兵起 陳卓曰星正赤入太微中廟有兵 荊州

占曰赤黃星潤澤入太微中天子有喜以其所抵率言

抵座星也如劍者男子喜 荊州占曰客星入太微庭

中有一星天子出將兵有二星天下無處主有三星天

下散亡 荊州占曰客星入太微所中乘守者有殃

玄冥占曰客星入太微庭中帝宗后族為亂欲謀殺主

其國大亡出西門其國有殃 荊州占曰客星入東門  
出東門其國有大喪 黃帝占曰客星入西門出東門  
其邦兵起臣謀主入東門出西門大國微亡守之不去  
楚國凶殃 甘氏曰客星入西門出端門其國大亂出  
左掖門其國不為用出東門其國不祥出右掖門其國  
大敗仍出西門其國有兵 郝萌曰客星入西門出端  
門一書云出左掖門其國大不熟 郝萌曰客星入太微西門  
出東門有憂喪 郝萌曰他星入太陰門後宮有賊

荊州占曰客星入太陰西門出太陰東門其國大水天下大亂 荊州占曰他星入太陰門兵起動天下 荊

州占曰客星入西門出西門其國有兵謀 陳卓曰客星入太微帝宗后族為亂亡社稷 河圖帝覽嬉曰

客星入太微廷中出端門天下大亂王者憂國易政期

三年

按河法盛中興書曰晉安帝元興元年十月有客星色白如粉絮出太微垣西至十二月入太微占

曰兵入天子庭二年十二月桓玄肆逆放帝后於尋陽

石氏曰他星入太微色

白而澤者赦 石氏曰客星入太微宮二旬若三旬有

小赦期六月 石氏曰他星入四輔臣為亂 海中占

曰客星入太微中火大起有客賊來入國守之十日不  
去其災成在陽為男主在陰為女主不出四十日 郝

萌曰赤黃星狀如帚入太微婦女喜出太微天子賜諸

侯美女 郝萌曰客星入天子宫丞相憂疾 郝萌曰

客星入天子宫十日而成鈞已天下有大赦奴婢下賤

人妻妾長庸期三月若六月 荊州占曰客星入太微

宮中一旬宮中有自然者期四十日在陽為男在陰為

女陽黃座南也陰黃座北也入二旬有赦期六月 荆

州占曰青星入太微有客來 荊州占曰星正赤入太

微中兵起 陳卓曰星正赤入太微中廟有兵 荊州

占曰赤黃星潤澤入太微中天子有喜以其所抵率言

抵座星也如劍者男子喜 荊州占曰客星入太微庭

中有一星天子出將兵有二星天下無處主有三星天

下散亡 荊州占曰客星入太微所中乘守者有殃

玄冥占曰客星入太微庭中帝宗后族為亂欲謀殺主

宮門有伏兵期三月 天官書曰客星出天庭有奇令

荊州占曰赤星出庭中有立王若徙王又曰火起

荊州占曰赤黃星出太微中天子用金錢賜諸侯王

荊州占曰星黃如獸出太微中天子用畜賜諸侯王一

曰氣類獸及蜚皆客喜也 荊州占曰有星如拳正圓

出太微中天子用璧玉賜諸侯王 陳卓曰客星出太

微有兵喪

按宋書天文志曰魏文帝黃初三年九月甲辰客星見太微左掖門內十月孫權叛命帝

自南征前驅臨江破其將呂范等是後累有征後七年五月文帝崩甘露四年十月丁丑客星又見太微中轉



東南行歷軫宿積七日  
減景元元年高貴被害

黃帝占曰凡客星出入太微

各以其日占知州國所出皆不出百日中一年遠三年

灾必應 黃帝占曰客星出入太微人主有憂大臣為

謀有反者兵起宮中一曰執政臣有戮者期一年 海

中占曰客星入太微天下大亂兵大起臣謀其主不則

天下大水入城郭煞人民

却萌曰期三十日

荊州占曰客星

出入太微大水入城傷人民期三十日 荊州占曰客

星舍太微宮天下有聖女子在燕代 荊州占曰客星

舍太微南蕃留不去魯有謀者舍西蕃留不去王者泄妖言在楚國 却萌曰客星中太微宮者不出三十日

一本云三日也

必有大赦

黃帝占曰客星守太微東蕃若西

蕃將相星者皆為人君有憂 石氏曰客星守太微宮

臣煞主 玉歷曰客星出太微犯守將相左右執法隨

其所守犯皆有誅期二年 甘氏曰太微中有一客星

天子自將兵有二客星天下亂民散走有三客星天下

大亂守之三十日君死國亡期三年遠五年

客星犯黃帝座四十六

文曜鉤曰客星入太微犯黃帝座天子有憂臣謀主至座而還謀不成反受其殃守犯三十日已上臣謀成期不出一年 荊州占曰客星舍五帝座有聖人與君並治在蜀秦 石氏曰蒼白星抵座天子有喪憂抵座旁

臣有反之者

按幽明錄曰漢武帝常微行過主人家家有婢國色帝悅焉仍留宿夜與婢臥有書

生亦家宿善天文忽見客星移掩帝座甚通書生大驚懼連呼咄咄不覺聲高仍見一男子操刀將欲入戶聞書生聲急謂為已故遂縮走客星應時即退帝聞其聲異而召問之書生具說所見乃悟曰此人是婢婿將欲

宮門有伏兵期三月 天官書曰客星出天庭有奇令

荊州占曰赤星出庭中有立王若徙王又曰火起

荊州占曰赤黃星出太微中天子用金錢賜諸侯王

荊州占曰星黃如獸出太微中天子用畜賜諸侯王一

曰氣類獸及蜚皆客喜也 荊州占曰有星如拳正圓

出太微中天子用璧玉賜諸侯王 陳卓曰客星出太

微有兵喪

按宋書天文志曰魏文帝黃初三年九月甲辰客星見太微左掖門內十月孫權叛命帝

自南征前驅臨江破其將呂范等是後累有征後七年五月文帝崩甘露四年十月丁丑客星又見太微中轉

東南行歷軫宿積七日  
減景元元年高貴被害

黃帝占曰凡客星出入太微

各以其日占知州國所出皆不出百日中一年遠三年

灾必應 黃帝占曰客星出入太微人主有憂大臣為

謀有反者兵起宮中一曰執政臣有戮者期一年 海

中占曰客星入太微天下大亂兵大起臣謀其主不則

天下大水入城郭煞人民

却萌曰期三十日

荊州占曰客星

出入太微大水入城傷人民期三十日 荊州占曰客

星舍太微宮天下有聖女子在燕代 荊州占曰客星

舍太微南蕃留不去魯有謀者舍西蕃留不去王者世妖言在楚國 却萌曰客星中太微宮者不出三十日

一本云三日也

必有大赦 黃帝占曰客星守太微東蕃若西

蕃將相星者皆為人君有憂 石氏曰客星守太微宮

臣煞主 玉歷曰客星出太微犯守將相左右執法隨

其所守犯皆有誅期二年 甘氏曰太微中有一客星

天子自將兵有二客星天下亂民散走有三客星天下

大亂守之三十日君死國亡期三年遠五年

客星犯黃帝座四十六

文曜鉤曰客星入太微犯黃帝座天子有憂臣謀主至座而還謀不成反受其殃守犯三十日已上臣謀成期不出一年 荊州占曰客星舍五帝座有聖人與君並

治在蜀秦 石氏曰蒼白星抵座天子有喪憂抵座旁

臣有反之者

按幽明錄曰漢武帝常微行過主人家家有婢國色帝悅焉仍留宿夜與婢臥有書

生亦家宿善天文忽見客星移掩帝座甚通書生大驚懼連呼咄咄不覺聲高仍見一男子操刀將欲入戶聞書生聲急謂為已故遂縮走客星應時即退帝聞其聲異而召問之書生具說所見乃悟曰此人是婢婿將欲

肆其凶於朕乃召羽林語主人曰朕天子也於是擒奴而伏誅厚賜書生後漢書曰嚴遵字子陵會稽餘姚人世祖為書生時與遵遊學及即位見遵遵長揖不拜上留遵俱寢遵以足加世祖其夜客星犯天子宿明晨太史奏其異詔曰朕友人嚴遵與朕俱臥之耳

石氏曰有赤星銳如劍抵座

星天子以兵驚一曰災驚 荆州占曰黑星抵座左右

旁大臣有死者 荆州占曰黃白星大如拳正圓抵座

旁者臣有獻美人者 却萌曰黑星抵留座星者曰天

子惡之

# 客星犯四帝四十七



巫咸曰客星犯四帝輔臣有亂若有反一曰若左右輔臣有謀期百八十日

客星犯屏星四十八

石氏曰客星有中犯乘守屏星者為君臣失禮而輔臣有誅者若免罷去

客星犯郎位四十九

陳卓曰客星干犯郎位大臣失勢黃帝占曰客星入郎位大臣為亂石氏曰客星入郎位多死者荊州

占曰赤星入即位兵起若大憂出即位多用兵遠出者  
荊州占曰黑星入即位多有罪者 荊州占曰蒼白  
星入即位有亂者 荊州占曰蒼白黑星出即位多死  
者 玉歷曰客星出即位守衛臣有謀者人主有憂將  
相有誅者一曰外夷有反者期二年 荊州占曰客星  
入中郎位大臣為亂戒左右 黃帝占曰客星守即位  
元士有憂又曰名官位不死必去 荊州占曰客星守  
即位其將憂也

客星犯郎將五十

黃帝占曰有星入郎將色青黑嗇夫不死則免黃則遷  
白則受賜 荊州占曰有星入郎將大臣亂政不行

石氏曰客星守郎將大臣為亂 甘氏曰客星出郎將  
輔臣有誅將相有罪若有黜者期一年 甘氏曰客星  
入犯守郎將將誅

客星犯常陳五十一

石氏曰他星犯常陳王者誅之近期百八十日遠期三

肆其凶於朕乃召羽林語主人曰朕天子也於是擒奴而伏誅厚賜書生後漢書曰嚴遵字子陵會稽餘姚人世祖為書生時與遵遊學及即位見遵遵長揖不拜上留遵俱寢遵以足加世祖其夜客星犯天子宿明晨太史奏其異詔曰朕友人嚴遵與朕俱臥之耳石氏曰有赤星銳如劍抵座

星天子以兵驚一曰災驚 荆州占曰黑星抵座左右

旁大臣有死者 荆州占曰黃白星大如拳正圓抵座旁者臣有獻美人者 却萌曰黑星抵留座星者曰天子惡之

### 客星犯四帝四十七

巫咸曰客星犯四帝輔臣有亂若有反一曰若左右輔臣有謀期百八十日

客星犯屏星四十八

石氏曰客星有中犯乘守屏星者為君臣失禮而輔臣有誅者若免罷去

客星犯郎位四十九

陳卓曰客星干犯郎位大臣失勢黃帝占曰客星入郎位大臣為亂石氏曰客星入郎位多死者荊州

占曰赤星入即位兵起若大憂出即位多用兵遠出者  
荊州占曰黑星入即位多有罪者 荊州占曰蒼白  
星入即位有亂者 荊州占曰蒼白黑星出即位多死  
者 玉歷曰客星出即位守衛臣有謀者人主有憂將  
相有誅者一曰外夷有反者期二年 荊州占曰客星  
入中郎位大臣為亂戒左右 黃帝占曰客星守即位  
元士有憂又曰名官位不死必去 荊州占曰客星守  
即位其將憂也

客星犯郎將五十

黃帝占曰有星入郎將色青黑嗇夫不死則免黃則遷  
白則受賜 荊州占曰有星入郎將大臣亂政不行  
石氏曰客星守郎將大臣為亂 甘氏曰客星出郎將  
輔臣有誅將相有罪若有黜者期一年 甘氏曰客星  
入犯守郎將將誅

客星犯常陳五十一

石氏曰他星犯常陳王者誅之近期百八十日遠期三

年 聖洽符曰客星出常陳守衛者有誅若左右兵起  
王者有憂期不出年

客星犯三台五十二

石氏曰黃白星入三能貴人有賜爵者蒼星出三能貴

人奪爵

按司馬彪天文志曰孝安永安四年六月甲子客星大如李蒼白芒氣長二尺西南指上階星

降太尉張瑀司空張敏皆免官也

郗萌曰有星出三能爵令行 郗

萌曰客星舍三能左右羣臣有不正者露當降也 郗

萌曰客星舍三能留十餘日不去王侯有不通者深渠



當修城郭決此三台之過也 黃帝占曰客星入三台  
若守之大臣多戮若貴人多病瘡死者 帝覽堦曰客  
星出三台若守之主誅大臣貴人有死者不出百八十  
日 邾萌曰客星守天柱大人戒左右趣治兵弩 邾  
萌曰他星犯守三台有兵喪一曰水為災害 石氏曰  
有星入司命色蒼民憂喪事白潤澤婦女多傷黑嬰兒  
死 甘氏曰有星入司命近臣抵罪者色青有憂黃白  
無故黑死 石氏曰蒼星出司命王者病死 甘氏曰

青若黑星入司命中奸人有出者 石氏曰有星入司  
祿大臣爭榮 甘氏曰有星入司祿色黃若白近臣有  
易爵者出司祿色青近臣有抵罪而走者黑則死

客星犯相星五十三

陳卓曰客星干犯相星輔相憂不出一年天下變更其  
令民多移徙

客星犯天牢五十四

黃帝占曰有星入天牢斧鑕用諸侯有獻地者出天牢

王賜諸侯地色青皆以兵黃白皆以好一曰星出南為獻地海中占曰客星入天獄有德令却萌曰有大

星入天牢有赦期二十日却萌曰客星入天牢必有

戮卿 荆州占曰客星入天牢貴人有繫者有戮君

荆州占曰客星入天牢其國得邑土出天牢為亡邑土也 石氏曰有奇星守天牢二十日已上天下大赦

石氏曰客星守天牢一年大魚死一曰人相食 荆州

占曰客星守天牢鉞鉞用以其初守日占國 巫咸曰

年 聖洽符曰客星出常陳守衛者有誅若左右兵起  
王者有憂期不出年

客星犯三台五十二

石氏曰黃白星入三能貴人有賜爵者蒼星出三能貴

人奪爵

按司馬彪天文志曰孝安永安四年六月甲子客星大如李蒼白芒氣長二尺西南指上階星

降太尉張瑀司空張敏皆免官也

却萌曰有星出三能爵令行 却

萌曰客星舍三能左右羣臣有不正者露當降也 却

萌曰客星舍三能留十餘日不去王侯有不通者深渠

當修城郭決此三台之過也 黃帝占曰客星入三台

若守之大臣多戮若貴人多病瘡死者 帝覽孛曰客

星出三台若守之主誅大臣貴人有死者不出百八十

日 邾萌曰客星守天柱大人戒左右趣治兵弩 邾

萌曰他星犯守三台有兵喪一曰水為災害 石氏曰

有星入司命色蒼民憂喪事白潤澤婦女多傷黑嬰女兒

死 甘氏曰有星入司命近臣抵罪者色青有憂黃白

無故黑死 石氏曰蒼星出司命王者病死 甘氏曰

青若黑星入司命中奸人有出者 石氏曰有星入司  
祿大臣爭榮 甘氏曰有星入司祿色黃若白近臣有  
易爵者出司祿色青近臣有抵罪而走者黑則死

客星犯相星五十三

陳卓曰客星干犯相星輔相憂不出一年天下變更其  
令民多移徙

客星犯天牢五十四

黃帝占曰有星入天牢斧鑕用諸侯有獻地者出天牢

王賜諸侯地色青皆以兵黃白皆以好一曰星出南為獻地海中占曰客星入天獄有德令却萌曰有大

星入天牢有赦期二十日却萌曰客星入天牢必有

戮卿荆州占曰客星入天牢貴人有繫者有戮君

荆州占曰客星入天牢其國得邑土出天牢為亡邑土

也石氏曰有奇星守天牢二十日已上天下大赦

石氏曰客星守天牢一年大魚死一曰人相食荆州

占曰客星守天牢鉅鉞用以其初守日占國巫咸曰

客星出天牢若守之有貴臣多下獄者期不出一年

却萌曰常以五子日候天牢中有變星期不出十日赦

客星犯文昌五十五

石氏曰客星干犯文昌則附臣受殃近期三年遠期六

年 韓楊曰客星入文昌有女子惑天子者 文曜鉤

曰客星出文昌其國失政人主有憂臣受其殃 石氏

曰客星出文昌其國失君政 石氏曰客星守文昌有

兵君不安 黃帝占曰有星入將星色蒼將有憂一曰



故臣有抵罪 黃帝占曰黃星入將星受封黑將死

黃帝占曰大赤星入將星提鼓之將驚 黃帝占曰有

星入相星色黃若白皆為故臣有賜爵者 荊州占曰

有星入司命中色蒼廷臣有憂黃故臣有賜爵者白近

臣有抵罪者黑近臣死出司命色赤王者疾困 黃帝

占曰客星出司命中司祿近臣抵罪走者色黃白無

故青憂黑死 却萌曰客星出司命有加命於羣生一

曰有下命者 石氏曰有星入司命中為內亂 黃帝

占曰有星入司命中色蒼近臣有憂一曰近臣有棄捐者 荊州占曰有星入司中色蒼者有賊 却萌曰青黑星若入司中奸人有入者出司中奸人有出者 石氏曰有星入司祿中色黃若白近臣有賜爵者 却萌曰客星入司祿色青黑近臣有奪爵者 却萌曰客星出司祿有下賞者

客星犯北斗五十六

却萌曰客星入北斗魁上若下色青黑人主大憂赤有

大客境外與中國爭兵黃白人主有賀期皆六十日若百二十日人主避舍東方十日而賜功應之 却萌曰

有星入北斗魁中大人有繫者一曰人主左右有囚者色黃白無故色青黑有憂死不出色赤斬 荊州占曰

有星出庭入北斗魁中二千石有繫者色青憂黑死赤有斬事 荊州占曰大星入北斗貴臣誅若繫者黃

帝占曰客星出北斗魁中天子自將兵國憂傾危社稷不安民多苦期一年 石氏曰有星集北斗旁不入北

客星出天牢若守之有貴臣多下獄者期不出一年

却萌曰常以五子日候天牢中有變星期不出十日赦

### 客星犯文昌五十五

石氏曰客星干犯文昌則附臣受殃近期三年遠期六年 韓楊曰客星入文昌有女子惑天子者 文曜鉤

曰客星出文昌其國失政人主有憂臣受其殃 石氏

曰客星出文昌其國失君政 石氏曰客星守文昌有

兵君不安 黃帝占曰有星入將星色蒼將有憂一曰

故臣有抵罪 黃帝占曰黃星入將星受封黑將死

黃帝占曰大赤星入將星提鼓之將驚 黃帝占曰有

星入相星色黃若白皆為故臣有賜爵者 荊州占曰

有星入司命中色蒼廷臣有憂黃故臣有賜爵者白近

臣有抵罪者黑近臣死出司命色赤王者疾困 黃帝

占曰客星出司命中司祿近臣抵罪走者色黃白無

故青憂黑死 郝萌曰客星出司命有加命於羣生一

曰有下命者 石氏曰有星入司命中為內亂 黃帝

占曰有星入司命中色蒼近臣有憂一曰近臣有棄捐者 荊州占曰有星入司中色蒼者有賊 却萌曰青黑星若入司中奸人有入者出司中奸人有出者 石氏曰有星入司祿中色黃若白近臣有賜爵者 却萌曰客星入司祿色青黑近臣有奪爵者 却萌曰客星出司祿有下賞者

客星犯北斗五十六

却萌曰客星入北斗魁上若下色青黑人主大憂亦有

大客境外與中國爭兵黃白人主有賀期皆六十日若  
百二十日人主避舍東方十日而賜功應之 却萌曰

有星入北斗魁中大人有繫者一曰人主左右有囚者  
色黃白無故色青黑有憂死不出色赤斬 荊州占曰

有星出庭入北斗魁中二千石有繫者色青憂黑死赤  
有斬事 荊州占曰大星入北斗貴臣誅若繫者 黃

帝占曰客星出北斗魁中天子自將兵國憂傾危社稷  
不安民多苦期一年 石氏曰有星集北斗旁不入北

黑燕當之白秦當之各以五色知其分野吉凶 荊州

占曰有星見北斗魁中有死者色赤楚君當之 荊州

占曰變星見北斗魁中天子當之 石氏曰大星去北

斗中如赤鳥其頭黑天下有兵 甄曜度曰客星居北

斗旁帝主有憂若有不出者兵大起士卒用各以五色

占去北斗一尺期一年二尺期二年 郗萌曰客星守

北斗天下必有大事若大變守斗後道不通水 郗萌

曰客星守北斗七星人君大變

一書云有憂

荊州占曰有



斗中名貴人有憂以五色占之 邽萌曰有星出北斗

魁天下赦星大赦大星小赦小期九十日當至 齊伯

曰客星出北斗旗間兵大起車騎行若貴臣有誅人主

憂旗者紫宮北斗兩間 海中占曰客星出入北斗天

下大亂兵大起臣謀主不則天下大水入城郭煞人民

期百日 邽萌曰期三十日也 邽萌曰有星離北斗柄中央色青

相有憂赤者兵事黃白有赦若相遇賊黑者死 甘氏

曰客星見北斗魁中色赤楚當之青齊當之黃衛當之

荊州占曰有星抵伐星有光女主疾有光而環伐星  
君疾 却萌曰有星入煞星大臣主馬者死期一旬出  
煞星大臣走 荊州占曰有星入危星易政出危星天  
子出令不行 荊州占曰有星入部星諸侯兵起子攻  
父弟攻兄 却萌曰客星入輔星有善令 荊州占曰  
有星入輔星色青相有罪若免色赤相受兵若將兵黃  
白相有賜若有喜黑相死若免

客星犯紫微宮五十七

星入正星大人遇賊出正星為政者易 荊州占曰有

星抵正星有客色青以禽獸為幣黃以綾羅為幣赤以

錢為幣白以人若兵劍為幣黑以金為幣色白蒼以羊

為幣正星上左右以馬牛魚鹽為幣色黑左右以五穀

為幣 荊州占曰有星出法星若入法星主當之 郝

萌曰有星入令星執法者死出令星執法者逐於諸侯

荊州占曰有星入伐者蠻夷以水兵至出伐星天子

與蠻夷和 荊州占曰有星抵伐星而舍之者人多死

斗中名貴人有憂以五色占之 邽萌曰有星出北斗

魁天下赦星大赦大星小赦小期九十日當至 齊伯

曰客星出北斗旗間兵大起車騎行若貴臣有誅人主

憂旗者紫宮北斗兩間 海中占曰客星出入北斗天

下大亂兵大起臣謀主不則天下大水入城郭煞人民

期百日 邽萌曰期三十日也 邽萌曰有星離北斗柄中央色青

相有憂赤者兵事黃白有赦若相遇賊黑者死 甘氏

曰客星見北斗魁中色赤楚當之青齊當之黃衛當之

黑燕當之白秦當之各以五色知其分野吉凶 荊州

占曰有星見北斗魁中有死者色赤楚君當之 荊州

占曰變星見北斗魁中天子當之 石氏曰大星去北

斗中如赤鳥其頭黑天下有兵 甄曜度曰客星居北

斗旁帝主有憂若有不出者兵大起士卒用各以五色

占去北斗一尺期一年二尺期二年 郗萌曰客星守

北斗天下必有大事若大變守斗後道不通水 郗萌

曰客星守北斗七星人君大變

一書云有憂

荊州占曰有

星入正星大人遇賊出正星為政者易 荊州占曰有

星抵正星有客色青以禽獸為幣黃以綾羅為幣赤以

錢為幣白以人若兵劍為幣黑以金為幣色白蒼以羊

為幣正星上左右以馬牛魚鹽為幣色黑左右以五穀

為幣 荊州占曰有星出法星若入法星主當之 郝

萌曰有星入令星執法者死出令星執法者逐於諸侯

荊州占曰有星入伐者蠻夷以水兵至出伐星天子

與蠻夷和 荊州占曰有星抵伐星而舍之者人多死

荊州占曰有星抵伐星有光女主疾有光而環伐星  
君疾 却萌曰有星入煞星大臣主馬者死期一旬出  
煞星大臣走 荊州占曰有星入危星易政出危星天  
子出令不行 荊州占曰有星入部星諸侯兵起子攻  
父弟攻兄 却萌曰客星入輔星有善令 荊州占曰  
有星入輔星色青相有罪若免色赤相受兵若將兵黃  
白相有賜若有喜黑相死若免

客星犯紫微宮五十七

玉歷曰客星犯紫微宮有大喪若守之十日已上災必

應期百二十日

按洪範天文星辰變占曰漢昭元鳳四年九月客星在紫微宮中樞極間後三

年昭帝崩也

石氏曰客星入紫微宮天子有急兵起宮中

必有死王若有逃走之主期不出百八十日

按班固天文志曰宣

帝黃龍元年三月客星居王良東廣可九尺長丈餘西指出閣道間至紫宮其十二月宮車晏駕司馬彪天文志曰孝章元和元年四月丁巳客星晨出東方在胃八度長三尺歷閣道入紫宮留四十日滅閣道紫宮天子之宮也客星犯謂之大喪後四年章帝崩宋書天文志曰晉太康元年四月客星在紫宮太康末武帝耽晏遊多疾病是月乙酉帝崩永平元年賈后誅楊駿及其黨與皆夷三族楊太后亦見煞是年又誅汝南王亮太保



衛瓘楚王偉海西太和四年二月客星見紫宮西垣至七月乃滅六年桓溫廢帝也

荊州占曰

客星入紫微宮國有大變一曰為兵起得地

按班固天文志曰孝

昭元鳳四年九月客星去紫微宮中樞極間其五年六月發三輔郡國少年濟北軍也

荊州占

曰赤星入紫宮天下亂一曰為天下無人其中列大夫

多死罪者入其旁有亂臣 荊州占曰黃星入紫宮人

主益地天下有喜期十日 荊州占曰有赤星若黑星

入紫宮從其陽入有客兵期六十日至從其陰入有走

王 黃帝占曰客星出紫宮天下大亂臣煞其主王者

有憂國有大變期不出年 石氏曰有星如拳正圓及如獸狀出紫宮天子用璧玉賜諸侯王 石氏曰客星守紫宮臣煞主 荊州占曰客星在旗間車騎起

客星犯北極勾陳五十八

石氏曰客星入北極天下道塞 黃帝占曰客星出北辰天子出德令安天下 黃帝占曰赤星出天樞天下兵盈野罷 郗萌曰客星出北極而所之國大敗四方皆然 石氏曰他星見北極帝王驚宗室亂王者修郊

祀奉宗廟大赦天下則災消 荊州占曰客星舍極四

夷若胡王有喪 荊州占曰客星守極大臣誅 荊州

占曰客星

一本云赤星

守天樞極兵聚一國有更君易幣

石氏曰客星守天樞國有大憂 石氏曰客星出北辰

犯守大星天下道塞兵大起臣欲謀主兵聚一國人主

有變期不出年 黃帝占曰客星犯乘守北辰主星大

人當之一曰有大喪一曰有反者 荊州占曰客星犯

乘守太子星太子有罪若死 荊州占曰客星中犯乘

玉歷曰客星犯紫微宮有大喪若守之十日已上災必

應期百二十日

按洪範天文星辰變占曰漢昭元鳳四年九月客星在紫微宮中樞極間後三

年昭帝崩也

石氏曰客星入紫微宮天子有急兵起宮中

必有死王若有逃走之主期不出百八十日

按班固天文志曰宣

帝黃龍元年三月客星居王良東廣可九尺長丈餘西指出閣道間至紫宮其十二月宮車晏駕司馬彪天文志曰孝章元和元年四月丁巳客星晨出東方在胃八度長三尺歷閣道入紫宮留四十日滅閣道紫宮天子之宮也客星犯謂之大喪後四年章帝崩宋書天文志曰晉太康元年四月客星在紫宮太康末武帝耽晏遊多疾病是月乙酉帝崩永平元年賈后誅楊駿及其黨與皆夷三族楊太后亦見煞是年又誅汝南王亮太保

衛瓘楚王偉海西太和四年二月客星見紫宮西垣至七月乃滅六年桓溫廢帝也

荊州占曰

客星入紫微宮國有大變一曰為兵起得地

按班固天文志曰孝

昭元鳳四年九月客星去紫微宮中樞極間其五年六月發三輔郡國少年濟北軍也

荊州占

曰赤星入紫宮天下亂一曰為天下無人其中列大夫

多死罪者入其旁有亂臣 荊州占曰黃星入紫宮人

主益地天下有喜期十日 荊州占曰有赤星若黑星

入紫宮從其陽入有客兵期六十日至從其陰入有走

王 黃帝占曰客星出紫宮天下大亂臣煞其主王者

有憂國有大變期不出年 石氏曰有星如拳正圓及如獸狀出紫宮天子用璧玉賜諸侯王 石氏曰客星守紫宮臣煞主 荊州占曰客星在旗間車騎起

客星犯北極勾陳五十八

石氏曰客星入北極天下道塞 黃帝占曰客星出北辰天子出德令安天下 黃帝占曰赤星出天樞天下兵盈野罷 郗萌曰客星出北極而所之國大敗四方皆然 石氏曰他星見北極帝王驚宗室亂王者修郊

祀奉宗廟大赦天下則災消 荊州占曰客星舍極四

夷若胡王有喪 荊州占曰客星守極大臣誅 荊州

占曰客星

一本云赤星

守天樞極兵聚一國有更君易幣

石氏曰客星守天樞國有大憂 石氏曰客星出北辰

犯守大星天下道塞兵大起臣欲謀主兵聚一國人主

有變期不出年 黃帝占曰客星犯乘守北辰主星大

人當之一曰有大喪一曰有反者 荊州占曰客星犯

乘守太子星太子有罪若死 荊州占曰客星中犯乘

守庶子星庶子有罪若死 石氏曰赤星入勾陳兵內  
亂大司馬戮死出勾陳大戰有功 石氏曰黑星入勾  
陳大司馬溺軍中 石氏曰黃白星入勾陳將不戰兵  
去外罷 石氏曰蒼白星入勾陳大司馬有喪出勾陳  
軍破將有憂 荊州占曰赤星入勾陳必有迫劫主者  
荊州占曰客星入正妃國有大憂 陳卓曰客星入  
正妃有大喪 荊州占曰客星入黃龍之位有黜妃臣  
煞主 齊伯曰客星出勾陳國有大變后妃有憂若女



主有黜者不出一年 石氏曰客星入勾陳若犯之宮  
中有變臣殺其主王者有憂

客星犯天一太一五十九

荊州占曰客星入天一一座五穀大貴 甄曜度曰客星  
出天一太一五穀貴人民饑一曰若有旱災 黃帝占  
曰他星歷天一則宮門閉王者內不安近臣亂不出三  
年

唐開元占經卷八十三

欽定四庫全書

唐開元占經卷八十四

唐 瞿曇悉達 撰

客星占八

客星犯石氏外官

客星犯天庫樓一

黃帝占曰客星入天庫以饑兵起 石氏曰客星入天

庫羅大貴為後年 天官書曰客星入天庫邊郡之兵

起此為外夷之事

邾萌曰客星犯天庫五穀大貴入

庫中糴石百處其旁石五十

邾萌曰客星入天庫牛

馬有行

邾萌曰客星入天庫兵起十年亂

荊州占

曰客星入天庫有兵發行

黃帝占曰客星出庫樓兵

車用若守之邊兵大起庫兵出車騎行期二年遠三年

荊州占曰客星入若守之天庫外夷兵起一曰官兵

憂黃帝占曰客星入若乘守天庫兵車出用

客星犯南門二

守庶子星庶子有罪若死 石氏曰赤星入勾陳兵內  
亂大司馬戮死出勾陳大戰有功 石氏曰黑星入勾  
陳大司馬溺軍中 石氏曰黃白星入勾陳將不戰兵  
去外罷 石氏曰蒼白星入勾陳大司馬有喪出勾陳  
軍破將有憂 荊州占曰赤星入勾陳必有迫劫主者  
荊州占曰客星入正妃國有大憂 陳卓曰客星入  
正妃有大喪 荊州占曰客星入黃龍之位有黜妃臣  
煞主 齊伯曰客星出勾陳國有大變后妃有憂若女

主有黜者不出一年 石氏曰客星入勾陳若犯之宮  
中有變臣殺其主王者有憂

客星犯天一太一五十九

荊州占曰客星入天一一座五穀大貴 甄曜度曰客星  
出天一太一五穀貴人民饑一曰若有旱災 黃帝占  
曰他星歷天一則宮門閉王者內不安近臣亂不出三  
年

唐開元占經卷八十三